

宋

會

要

宋會要 貢舉印

仁宗天聖七年十月詔鑄封彌院印三面謄錄所印三面發解印三面送禮部收管過科場給付逐處行用又神宗元豐六年閏六月十四日尚書禮部言舊制貢院專掌貢舉其印章曰禮部貢舉之印遇鎖試則知舉官總領昨廢貢院毀舊印以其事歸禮部準格過科場牒印并公事伏緣本部分曹治事凡十有五貢舉乃其一事若遇鎖事牒印即佗曹事實有關乞別鑄禮部貢舉之印從之

宋會要舉士十三

親試 太祖開寶六年三月十九日帝御講武殿覆試

新及第進士宋準并卞第進士徐士廉終場下第諸科

等內出未明求衣賦懸爵待士詩題召殿中侍御史李

步國子監丞得進士宋準已下二十六人諸科五經已

下一百一人乃詔曰國家懸科取士校藝求人有司雖

務於搜羅積歲不無其漏落所以親臨考試精辨否臧

或憫其年深或允其才進俾咸登於上第諒克叶於至

公其進士宋準等百二十七人並賜及第出身先是禮

等十一人五經部銘等二十一人並賜及第出身先是禮

又下第進士徐士廉等人質最陋及占對失次命殿進

由奮發及訴知舉李昉取捨非遺即詔貢部籍入策進

士始也并終賜學與準等並親宴於殿庭御試舉人自茲
 熟取宋準等十人上以文獻士通考會濟川乃鄉人
 最取者去之令籍終場下第人姓名不悅三會訴防材情貢
 召見擇其上乃命九殿中侍御史李瑩等為御講武殿各賜
 紙札別試詩賦十人殿中侍御史李瑩等為御講武殿各賜
 二二札別試詩賦十人殿中侍御史李瑩等為御講武殿各賜
 又賜錢六人殿中侍御史李瑩等為御講武殿各賜
 為常式通禮是萬史三四人學究十人等明三法五人十人
 稱鄉貢試不貢中格以本科並開會通禮成等詔皆八人
 貢試殿前下第者特免將來歸並賜問三鄉貢出身進士元
 曰按殿前下第者特免將來歸並賜問三鄉貢出身進士元
 士之青也開元過行其唐武后然許直以詣貢出進部即中為
 再試之覆也元以下錢始以事禮部取士舉知非考功已試之任
 下詳覆然也開元過行其唐武后然許直以詣貢出進部即中為
 言其取士不惟公元和試間多徽中殿侍郎舉貢宰相送中書
 禮部所取士不惟公元和試間多徽中殿侍郎舉貢宰相送中書
 未嘗再試矣五代詳覆來而後謂詳覆者雖有詳升黜入宋太

祖乾德六年命書復試則以帝疑陶穀之子不能文
 而中選故覆之亦未嘗別為之升黜至開寶六年李昉
 知舉放進士後下第人徐士廉等打論實上遂于講
 武殿命題重試御試自徐士廉等所取十人武人濟川
 共取二名餘十人則高下防等所取十人武人濟川
 一附一名榜亦未嘗有省後共為一次榜然則至八年雖別試而
 遇為一名榜亦未嘗有省後共為一次榜然則至八年雖別試而
 共貢院合格舉人王宗武等為首王武殿內出試題得進士
 部十人則居其四蓋自是御試始別為升降八年二月二
 始有人省試殿試之分省元狀元之別云
 十五日帝御講武殿試禮部奏名進士內出橋梁渡長
 江賦龍舡習水戰詩題得王嗣宗已下三十一人賜及
 第出身翌日試諸科得三禮紀自成已下三十四人賜
 本科及第出身 太宗太平興國二年正月七日帝御
 講武殿試禮部奏名進士內出訓兵練將賦主聖臣賢

詩題得呂蒙正已下一百九人並賜及第

所試三等其優九日試諸科得九經已下二百七人並賜

本科及第九經五經一人不合格帝憐其老亦賜同三

傳出身每自隋大業中始設進士科至唐以舊額為七

外人以尋復故開成中不連數人放自帝即位以舊制進士

故文獻通考太宗幾平興國二年以補缺員而振滯淹滯也

止謂侍臣曰朕欲致治之俊彥於科場中非敢後試合格

人姓名上御講武殿覆試其優劣為詩賦題賦韻上平灰

依九人用李昉扈蒙定其科得方為三等得呂蒙正以下

百招九人部閔貢籍得十舉科以上至五百餘人並賜及

賜同三十餘人並賜及第

將寶寺上自為詩二章賜之餘人皆先賜及第

作監丞大理評事通判諸州其餘等優進等注授寵章

殊異歷代未有也薛居正等言取人太多御試中人太驟不
聽之唐初有勅賜及第者不由科第者或獻文別試亦勅
稱進士其後文學之端臨曰按是年諸道所發貢士得五
賜進士及第者共五百餘人每歲多不取其貢士得五
十氏曰國初取進士者循唐故事每歲多不取其貢士得五
宗初即位下已定有唐意于備文武之語宰相薛文惠公太
治道長久之術因曰聖賢若參用文武之語宰相薛文惠公太
以一訓兵練將為賦主聖賢若參用文武之語宰相薛文惠公太
取李參政自是連放五榜通取八百一十人化基等數人
皆在其間自是連放五榜通取八百一十人化基等數人
自茲三年九月二日帝御講武殿試禮部奏名進士內
出不陣而成功賦二儀合德詩登講武臺觀習戰論得
胡旦已下七十四人並賜及第翌日試諸科得九經已
下八十二人並賜本科及第先是去年諸州已發解有
有留洋者復詔郡國徐三禮故馬故事外悉以今年榜
月至闕下及是帝親試而特放馬故事外悉以今年榜

至是秋試非常例也。文獻通考興國三年九月三日上御講武殿試。禮部貢試舉人進士加論一首。自是以冬諸為準。故事。集禮部。惟春放榜。至是秋試。非常例也。是州舉人並集會。將親征北漢。罷之。自是每間一年或二然考登科。記所載。建隆以來。逐科試進士。始一論。凡三年題。非五年。閏三月十一日。帝御講武殿試。禮部奏名進士。內出春雨如膏賦。明州進白鸚鵡詩。文武何先論題得。蘇易簡已下一百一十九人。並賜及第出身。十四日試諸科。得九經已下五百三十四人。並賜本科及第出身。文獻通考興國五年覆試進士。得蘇易簡時。顏明遠。劉昌言。張觀。樂史等。四人。並分中。乙之。第賜宴。士上。惜。科第。不與。特授。近。藩。掌。書。記。是。歲。有。趙。官。舉。進。者。求。應。百。篇。舉。謂。一。日。作。詩。百。篇。不。設。此。科。求。應。者。即試之。上。出。雜。題。二。十。字。曰。松。風。雪。月。天。花。竹。鶴。雲。煙。詩。成。酒。春。池。雨。山。僧。道。柳。泉。各。令。賦。五。篇。篇。八。句。逮。日。極。來。

者仍詔有司今後應八年三月十五日帝御講武殿試

禮部奏名進士內出六合為家賦鵲轉上林詩文武雙

興論題得王世則已下二百二十九人並賜及第出身

翌日試諸科得九經已下七百六十四人並賜本科及

第出身 雍熙二年三月十五日帝御崇政殿試礼部

奏名進士內出穎川貢白雉賦烹小鮮詩玄女授兵符

論題得梁顥已下一百七十九人第為三等翌日帝臨

軒唱名面賜及第出身顥先以程試上進帝嘉其敏速以首科處焉十七日

試九經已下得三百一十八人第為三等並賜本科及

第出身是日召考官分出門目舉人就坐既定是日左右監視非預考試者不得入殿門

日詔殿前不合格南省已奏名進士內文采可取者許

令再試十八日帝復御崇政殿親試內出庭燎賦淡交
如水詩題又得進士洪湛已下七十六人並賜及第以
姓名附本等湛以文采道麗特昇為第三人翌日又試
御前下第三傳毛詩尚書學究三科得三百二人並賜
本科出身時有五經王從善能并注誦其書帝取五經
舉其端從善聲念之甚嗟賞賜九年親試舉
初文獻通考雍熙二年令考官親成別試是年親試舉
李昉呂蒙正之子遺材復試又得洪湛等七十餘人
罷之左右言尚有遺材復試又得洪湛等七十餘人
科三百餘人端拱元年閏五月十七日帝御崇政殿試
並賜及第
禮部不合格格進士內出暑月頒冰詩題得馬國祥已下
五十四人翌日又出冰壺詩題得張熙堯以下四十七
人十九日又試諸科內出夏雨翻萍詩題得王又言已

下六百二十一人令樞密院給牒以試中為目先是南

舉人拔登聞鼓乞再六月十一日帝御崇政殿試武成

王廟合格進士內出一葉落知天下秋賦堂上有奇兵

詩題得葉齊已下三十一人並賜及第又試諸科舉人

得盧範已下八十九人並賜本科出身時郡縣缺官甚

榜帝慮有司遺才故復命王世則等於武成王廟二年

三月二十一日帝御崇政殿試礼部奏名進士內出聖

人不尚賢賦五色一何鮮詩禹拜昌言論題得陳堯叟

已下百八十六人並賜及第翌日試諸科得九經孫奭

已下四百七十八人並賜本科及第出身時越州進士

三賜御題詩數章皆有旨趣特授校書郎今于三館讀

高及第大獻通考所授勅牒三年親試舉人有中書吏淳化三年三月四日帝御崇政殿試禮部奏名進士內出卮言日出賦射不主皮詩儒行論題得孫何已下三百五十三人第為五等並賜及第出身時御出賦題孫何等不為言既所請再三始為請因其大率叩殿檻乞指示翰林學士丞郎兩省給舍已上三賜及第職事官等糊名考試校定七優方為五等第一至三賜及第第四第五賜出身日試諸科得九經王惟慶已下七百四十七人並賜本科及第出身真宗咸平三年三月十七日帝御崇政殿試禮部奏名進士內出觀人文以化成天下賦崇德報功詩為政寬猛先後論題得陳堯咨已下三百六十五人等為六等並賜及第出身同學究出身時命翰林

翰林學士承旨宋白侍讀學士夏侯嶠呂文仲工部尚書張宏給事董儼右諫議大夫李若拙知制誥梁周翰師頑朱昂知雜御史馮拯為考官列於殿之東閣又命直昭文館安德裕句中正直史館姚鉉孫何曾致堯祕閣校理舒雅諸王府翊善張蔚楊澈郭成範三司判官施護為考官列於殿之西閣又命國子博士雷說著作佐郎梅詢於殿後封印卷首始命德裕等老訖次命白等覆之然後取入等者帝親覽之賜第一二三等及第四等出身五等同三傳學究出身翌日試諸科得九經馬融符已下四百三十二人第為三等並賜本科及第出身同出身命翰林侍讀學士邢昺等十五人為考官

賜第一等本科及第第二等同本科出身自餘第降同
諸科出身又試進士五舉諸科八舉已上及曾經先朝
御試洎年五十以上者內出禮樂刑政致理何先論題
時帝謂左右曰此輩潦倒場屋皆已遲暮儻例試三題
則遺落多矣故止令試論一篇粗觀其智識也得進士
張浩然已下二百三十六人第為四等並賜同學究出
身授試銜官第一二第賜同學究出身第三等授試校
書郎第四等授試主簿 十九日試諸科得三史劉昌
已下六百九十七人第為二等並賜本科出身文獻通考咸平三年親試舉人上臨軒三日無倦色得進士陳堯咨以平
下四百九人諸色四百三十餘人又試進士五舉諸科
八舉及嘗經御試或年踰五十者得進士及諸科凡九
百餘人共千八百餘人其中有普天福隨計者較藝之

詳推恩之廣近歲倫成風代未
近有站士薄成廣近風代未
此訪行實或藝文傷俗有
廉之類並嚴加懲斷歸而
上解送所由官吏必勤
敢試河及北貢舉人賜
親五餘人第同舉賜身
五十百餘人及第賜
洪武隨華人悉賜
不重以各出華國朝
人呂蒙正以大時
通判三蒙正以下
十人通判及監
以十人通判及監
移下判人尉作
百五十判人尉作
拱元十判人尉作
一八十二人尉作
三姚八十二人尉作

以下二年人將作丞二人評事第五人以下皆吏部注擬
咸平元年孫僅但得防推二年孫登以下但免選注官
蓋此兩榜真宗在諒闇作禮部所放故殺其禮及三年陳
堯咨登第然後六人將作丞四十二人詳事第二甲一
百三十九人節使推官軍事推官五月十八日帝御崇
政試禮部奏名河北進士內出以賢為寶賦膏澤多豐
年詩題得齊革已下十三人第為三等並賜及第同出
身同三傳出身召直集賢院梅詢於殿內糊名命兩制
侍讀樞密直學士等考較取藝業優長者親覽之翌日
試諸科得通理已下三百四十五人第為三等並賜及
第同本科出身是日召殿試下第舉人暨先試武藝及
錢三千慰諭遣之仍詔有禮部並理為一舉五年三月二
且令歸募勇士杆寇俟有勞効賞以官秩

十三日帝御崇政殿試禮部奏名進士內出有物混成

賦高明柔克詩君子黃中通理論題得王曾已下三十
八人並賜及第翌日試諸科得九經高內已下一百八
十二人並賜本科及第出身文獻通考五年親試舉人
九經諸科百八十八人是歲貢舉人集闕下萬四千五
百餘人陳恕知貢舉所取士甚少進士諸科共取二百
一十人舉送官被黜責者甚衆景德二年三月六日帝
御崇政殿試礼部奏名進士內出天道猶張弓賦德輶
如毛詩以八則治都鄙論題得李迪已下二百四十七
人第為五等並賜及第出身第一二三等賜及第第四
五等同出身又得特奏名五舉以上進士江白已下一
百一十一人第為三等並賜同進士三傳學究出身翌
日試諸科得九經已下五百七十人第為三等並賜本

科及第出身同出身又得特奏名諸科三礼已下七十

五人第為三等賜同學究出身授試街官時命翰林學

等糊名考校帝取封彌試卷觀之謂宰臣曰考官恃無

所私多損斥非所以助朝廷求才之意也遂命知制誥

則宗例等十人宿于殿東覆加考較其中選者甚衆詰

李獻通考景德二年親試舉人得進士李迪等二百十四

文餘人特奏與賈餘人諸科迪特奏而兩

餘人不與考官取其文觀之有聲賦就御試參當仁不讓

師以師為失與不詳審耳遂取迪而點邊當可事王旦

議落師者放蕩無所準的鄭州王迪而點邊當可事王旦

士子從此令廣部員外郎知鄭州王迪而點邊當可事王旦

第上以此矩聞自燕薊外郎知鄭州王迪而點邊當可事王旦

城擇召赴聞自燕薊外郎知鄭州王迪而點邊當可事王旦

出月試將作監主簿者並令守選故事登科皆有限同乘及士大

近制及第士尤衆多設等初復以廷振淹滯雖藝者亦免選至

是策名之士尤衆多設等初復以廷振淹滯雖藝者亦免選至

賜同出身試秩解褐故令有司循用常調以示甄別
詔貢舉之門因循為弊躁競斯甚繆濫彰宜權住
二年庶使勤更專學問無失大考試之術式符虛佇
懷仍委禮部貢院自今無解送是謂曠官其諸路府州將
來秋風比當職官如依前請避全不解人致有上言必行
朝典禮部貢院上言請避全不解人致有上言必行
得寄應及權買田產立戶諸州取解各歸本貫取解不
以師許依國子監取解仍須本鄉有鄉里保判監引驗
乃得附學五月十三日帝御崇政殿試禮部奏名河北
舉人內出建用皇極賦昭德塞違詩漢文宣二帝政理
孰優論題帝召王欽若等一十一人於內閣糊名考核
分為六等別錄本去其姓名召兩制尚書丞郎兩省給
諫館閣官凡三十人分處殿東西閣覆考之帝遣中使
宣諭令盡公平無得壓降等第令欽若總詳之是夕內

閣十人於殿後及試諸科舉人糊名考定如例得進士
范昭已下一百四十六人第為三等並賜及第同出身
同學究出身翌日試諸科得九經已下六百九十八人
並賜及第本科出身同出身授試監簿諸州助教十六
日試特奏名進士內出射不主皮詩文武之道何光論
題召樞密直學士邊蕭李濬於殿東閣考校得馬至已
下二百五人並賜及第同出身同學究出身試監簿助
教補三班奉職十七日試特奏名諸科及瀛州防城舉
人得九百九十七人並賜及第同本科出身授試監簿
州助教攝州助教補殿侍隸三班帝以河朔用兵之際
寇率多勞苦故廣示甄采無所遺棄復躬自覽閱所問
經義中有涵說者貢士或具引為對考官將加擯落帝

特為發明焉有特奏名進士李正辭所試論以為文者
本乎靜武者本乎動動止亂以至乎靜則先後可知矣
帝賞其近理將擢以上帝第會
言其當犯杖刑遂補三班奉職大中祥符元年四月十
二日帝御崇政殿試禮部奏名進士內出清明象天賦
明證定保詩盛德大業論題初於殿廊設幔列坐席標
其姓名又揭榜表其次序令視訖就座命翰林學士李
宗諤等八人為考官直史館張復等八人為覆考官侍
御史周師望祕閣校理慎鏞糊名給事中張秉知制誥
周起詳等第帝徧至幄次論宗諤等各務精詳勿遺賢
俊時南省下第舉人周叔良等百二十人訟知舉官晁
迥等抑塞孤寒列世家子第四十餘人稱文學淺近不
合奏名帝曰貢舉是非前代不免朕今召子弟令別座

就試既而叔良所陳皆妄命配隸許州試奏名諸科前
命李宗諤等出義題復令孫奭詳審以進仍錄題解刻
板模本命中使就座給之先是有進士牛頴就試未訖
自言有疾試諸科日復召試詩賦論三篇考官言詞理
稍次帝詰之頴對以前日乍至殿庭周章失次是以不
副明試詔殿三舉及宗諤等上考定進士文卷十有五
名詔宰臣王旦等同加詳定具名次以進帝乃臨軒拆
封唱第得姚晬已下三百七十人第為四等並賜及第
同出身同三禮學究出身帝召晬等誡約曰須知名第
難得各修官業無廢筆硯皆感恩再拜而出是日詔吏
部尚書張齊賢等觀放舉人 十六日試諸科得九經

已下三百二十人並賜及第同出身試監簿諸州助教

初考官定諸科義卷通不差外帝召宗諤等詰之宗二

年六月二十七日帝御崇政殿試服勤詞學經明行修

舉人內出大德日生賦神無方詩升降者禮之末節論

題得進士梁固等三十一人並賜及第同進士三禮出

身得諸科九經五經三禮學究明法五十四人並賜本

科及第同出身前試一日命職方員外郎判國子監孫

林學士晃迥等十人為考官設次於崇政殿後廡直史

館查道等十一人為覆考官設於景福殿西廡龍圖

閣待制成倫等二人編排試卷直史館王希逸等二人

士程試為五等曰上次曰中次曰下上曰下次帝取考

官覆考官所定試卷參校等第有同者命再考之又

付右僕射張齊賢等詳審仍以高等十卷付臣重定王

旦請以班字號者為第一帝然之因閱晃迥等所正以

即明為首卷四年十一月七日帝御崇政殿試服勤詞學

經明行修舉人內出禮以承天道賦神以知來詩何以

為大道之序論題得進士張師德已下三十一人並賜

及第同出身得諸科五經已下五十人並賜本科及第

同出身是日進士既得題叩殿檻請諭所出帝命錄示

李宗諤等為考官直史館張復等為覆考官遣中使齎

新定條制示之帝編至考官幕次以景短復不許繼燭

詰旦朝退令中書樞密院奏事于崇政殿常務悉罷又

以考官所定等第多差至者十有問狀李宗諤等奉未

待罪有詔釋之馬臨臨曰按自雍熙端拱而後取士

之法省試之後乃有殿試已為定例獨此二年會要所

載乃停貢舉年分禮部未嘗放進士然則此六十餘人

者迺是封禪特恩所試如後來免省到殿之類是也

五年三月二十二日帝御崇政殿試禮部奏名進士內

出鑄鼎象物賦天險不可升詩以人占天論題得徐夬

已下一百二十六人並賜及第出身時以御題摹印賜之官給起草紙自是為定制命兩制三司使龍圖閣學士待制館閣官凡二十六人分詣殿後幕次考校先是考卷入第四等者止九十人又令取五舉已上者再考始充此數詔入第四等者以賦論為先詩次之又以入高等者凡十卷命輔臣重定之始詔放為翌日試諸科得九經賀有孚已下三百七十七人並賜本科及第同出身 七年九月十五日帝御景福殿試經明行修服勤詞學舉人內出道無常名賦冲氣為和詩天地何以猶橐籥論題得進士張觀已下二十一人並賜及第得諸科毛詩李規已下二十一人並賜本科及第出身

時

旨中書以短景起居退未奏事即御殿處舉得題稱
連也張觀本名上一字音同仁宗廟諱詔去之林有今
改名肖詔八年三月二十三日帝御崇政殿試禮部合格

奏名特奏名進士內出置天下如置器賦君子以恐懼
修省試順時慎微其用何先論題初有司請以六舉已
上特奏名者各試之帝曰且令同試其中或有及格便
隨正奏名人八等益彰至公也得蔡齊已下一百九十
七人並賜及第出身特賜不合格進士許大同已下六
人同五經出身六舉特奏名進士郭震已下七十八人
進士同進士三禮三傳出身二十七日試諸科得九
經李周武已下六十五人並賜本科及第出身特賜不
合格九舉三禮三傳賈德潤等二人同本科及第學究

出身十舉特奏名不合格三禮張敦化已下四人同本

科及學究出身張之才已下六十六人試監簿初帝之

也前一日悉取三京天下州郡發解題天喜三年三月

九日帝御崇政殿試禮部奏名進士內出君子以厚德

載物賦君子居易以俟命詩日宣三德論題得王整已

下二百四十人等為五等並賜及第同出身同學究出

身翌日試諸科得九經已下一百五十四人並賜本科

及第同出身試監簿命翰林學士承旨晁迥學士戚慶

朱異張士遜王隨知制誥宋授張師德直史館張復直

集賢院祖士衡為考官直史館崔遵度兵部員外郎李

若谷都官員外郎張谷屯田員外郎上言秘書立直史

館麻溫舒石正言劉焯太常博士郭并太常丞富言著

作郎張暉為覆考官知制誥晏殊赴居舍人呂夷簡為

參詳官太常博士問夢松蕭賀為封弥官直史館陳堯

佐右正言陳執中為編排官設次於崇正殿之後帝作
七言詩賜考官又出別本以賜輔臣乃皇太子書也
咸各次前十日幸考較官幕次撫問久之殿試之制
人納卷先付編排官去卷首鄉貫狀以字號第之付封
弥官臚本比較始付考官定等訖復封弥送覆考官再
定等仍送參詳官估封閱其同異參詳著庭始付編排
官取鄉貫狀以字號合之第其姓名差次試卷以聞即
放榜焉編排之職無覆考驗第據參詳所定而已是歲
先佐執中書命魯宗道易翌日內定覆驗多不同書出卷
子付中書命魯宗道馮元審驗召竟佐等洎元考覆考
官對辨具伏國華之咎各奪官厘務其已落復收及第
者進士二人諸科二人免省試者進士十四人諸科二
十三人免解者進士十四人已及四年六月二十二日
第出身而復進者二十一人

帝御崇正殿試禮部下第特奏名舉人李宗孟已下一
百五十五人內出澤及四海詩禮樂何以合天地之化
論題命翰林學士楊億已下充考試官翌日已宗孟已
下一百五人補三班奉職內五科所試不合格者特與

本州上佐及東西班殿侍三班借差餘以藝業全疎者

補本州長史司馬文學 仁宗天聖二年三月十八日

禮部上合格進士吳感已下二百人詔翰林學士晏殊

龍圖閣直學士馮元編排等第翌日帝御崇政殿召對

賜宋郊已下一百五十四人及第翟翕已下四十六人

同出身曹早已下七人同三禮出身諸科李九言已下

三百五十四人並賜及第同本科出身文獻通考仁宗

及第宋郊葉清臣鄭誡以下及諸科凡四百八十餘人賜

於本科問策一道對者紕繆上以執經肄業不善為文

特命取其始與弟祁俱以詞賦得名時奏祁第一太

者不自清臣兄弟乃權祁第一祁第十時天下登祁者不數

年報錄然顯貴取士之路可謂盛矣雖耄耋之士數試

於試後多收入仕版謂之持奏名至或因循不學欲積

舉以應令乃詔曰學猶殖也不學將落恭孫務時敏厥
修乃來朕慮天下之士或有遺也既已臨較得失而憂
其屢不中科則衰邁而無所成退不能返其里闕而進
不能預於祿位故常數之外特為之甄采而徇於寬恩
並願素業類苑荷簡寔以成風甚可四月二十三日帝
駐也自今宜篤進厥學無習僥倖焉
御崇政殿賜禮部特奏名六舉已上進士李宗道已下
四十三人八舉已上諸科王播已下七十七人諸州司
馬長史試將作監主簿 五年三月二十日帝御崇政
殿試禮部奏名進士內出聖有謨訓賦南風之薰詩執
政如金石論題進士吳育等以聖題淵奧上請帝宣諭
久之後錄三題所出經疏以示之命翰林學士宋綬已
下二十六人於崇政殿各設幕次封弥謄錄考校編排
等第得王堯臣已下三百七十七人第為六等並賜及

第同進士學究出身試銜第一第二第三等及第四等
同進士出身第五等同學究出身第六等銜翌日得九
經楊中和已下八百九十四人並賜及第本科出身試
銜文學 四月三日帝御崇政殿召禮部特奏名舉人
進士試天地節而四時成論經科止試墨義五道仍命
翰林學士宋綬已下考覈優劣以聞得進士孟楷已下
考覈優劣以聞得進士孟楷已下一百九人賜同學究
出身及試監簿四門助教諸州文學長史諸科崔用化
已下二百三十四人授試監簿國子四門助教文學
八年三月十一日帝御崇政殿試禮部奏名進士內出
藏珠於淵賦溥愛無私詩儒者可與守成論題進士殿

陽修等以聖題淵奧上請帝宣諭久之仍錄所出經疏
疏示之命翰林學士章得象等三十五人於崇政殿後
各設幕次封弥謄錄考校編排等第得王拱辰已下二
百四十九人第為四等並賜及第同出身第一二三等
及第第四等同出身拱辰本名拱壽詔改令名 十三
日試諸科得九經徐撫已下五百七十三人並賜及第
本科出身 景祐元年三月十八日帝御崇政殿試禮
部奏名進士內出房心為明堂堂和氣致祥詩積善成
德論題命翰林學士承旨盛度已下三十六人鎖宿考
試如新制得張唐卿已下七百一十五人第為五等並
賜及第出身同出身第一第二第三等及第第四等出

身第五等同出身翌日試諸科得九經王元亨已下四百八十一人並賜及第本科出身二十一日試禮部特奏名進士諸科內出六律為萬事本論群玉山詩題得田諒已下八百五十七人並賜及第出身授長史別駕五年三月十七日帝御崇政殿試禮部奏名進士內出富民之要在節儉賦鯤化為鵬詩廉吏民之表論題得呂濤已下三百一十人第為四等並賜及第出身第等同元年後遂定為例翌日試諸科得九經傅褒已下六百一十七人並賜本科及第出身長史文學十九日試特奏名舉人內出修詞立誠詩大德曰生論題得進士錢仲師已下二十六人諸科李安上已下五百八

十七人並賜同出身長史文學助教 慶曆二年三月

十五日帝御崇政殿試部奏名進士內出應天以實不

以文賦吹律聽鳳鳴詩順德者昌論題得楊寔已下四

百三十六人等為五等並賜及第出身同出身翌日試

特奏名進士內出親將征關外詩五帝憲老不乞言論

題得劉嘉正已下三百三十二人並賜五經同禮三傳

學究出身授諸州長吏文學十七日試諸科得九經已

下若干人 六年三月十三日帝御崇政殿試禮部奏

名進士內出從祀國之大事賦形盛象詩賦兩漢循吏

孰優論題得賈黯已下五百三十八人第為五等並賜

及第出身同出身翌日試諸科得九經劉孝顯已下四

百十五人並賜本科及第出身 十六日試特奏名進士內出宜木名社詩安危在出令論題得郭震已下二百二十三人並賜同九經五經三禮學究出身授長史司馬文學同日試特奏名諸科得一千六百五十五人並賜本科出身長史司馬文學 皇祐元年三月十三日帝御崇政殿試禮部奏名進士內出蓋軫象天地賦日昃不暇食詩天聽君人之言論題得馮京已下四百八十九人第為五等並賜及第出身同出身翌日試諸科得九經于觀色已下五百五十人並賜本科及第出身 五年三月十三日帝御崇政殿試禮部奏名進士內出圓丘象天賦吹律聽軍聲詩樂本人心論題得鄭

解已下五百二十人第為五等並賜及第出身同出身
翌日試諸科得九經夏侯圭已下五百二十六人並賜
本科及第出身 十六日試特奏名并廣南進士內出
致美黼冕詩彊兵務富民論題得吳贍已下百六十六
人並賜出身試銜文學長史 同日試特奏名諸科得
王德潤已下四百三十人並賜出身試銜文學長史
嘉祐二年三月五日帝御崇政殿試禮部奏名進士內
出民監賦鸞刀詩重巽命論題得張衡已下三百八十
八人第為五等並賜及第出身同出身翌日試諸科得
九經單至誠已下三百八十九人並賜本科及第出身
七日試特奏名進士內出齋居決事詩乾坤示人易

簡論題得張應已下一百二十二人並賜同五經三禮
學究出身授文學長史 同日試特奏名諸科得一百
二人並賜同本科出身授文學長史 四年二月二十
八日帝御崇政殿試禮部奏名進士內出堯舜性仁賦
求道書於天下詩易簡得天下之禮理論題得劉渾已
下一百六十三人第為五等並賜及第出身同出身翌
日試諸科得明經一百八十四人並賜本科及第出身
三月一日試時奏名進士內出雲覆叢著詩中者天
下之大本論題得康師服已下二十九人並賜同五經
學究出身授試監簿長史 同日試特奏名諸科得五
銓張亨已下一十六人授試監簿助教長史 六年二

月十七日帝御崇政殿試禮部奏名進士內出王者通
天地人賦天德清明詩水幾於道論題得王俊民已下
一百八十三人第為五等並賜及第出身同出身翌日
試諸科得明經呂房已下一百二人並賜本科及第出
身十九日試特奏名進士內出作樂薦上帝詩謹用五
事明天道論題得翟詔已下四十四人並賜同五經三
禮學究出身授長史文學 同日試特奏名諸科得四
十一人並賜同本科出身授長史文學 八年三月九
日崇政殿試禮部奏名進士帝不御殿內出寅畏以饗
福賦樂通神明詩成敗之機在察言論題翌日試諸科
奏名進士內出溫洛呈圖詩治天下自五事始論題

同日試特奏名諸科 二十二日帝御延和殿賜進士
許將已下一百九十四人及第出身同出身諸科一百
四十七人本科及第同出身特奏名進士劉景陽已下
七十二人諸科程銘已下二十八人並賜同五經三禮
學究出身授長史文學以上國朝會要神宗熙寧三年三月八
日上御集英殿試禮部奏名進士內出制策曰朕德不
類託于士民之上所與待天下之治者惟萬方黎獻之
求詳延于庭諏以世務豈特考子大夫之所學且以博
朕之所聞蓋聖人之王天下也百官得其職萬事得其
序有所不為為之而無不成有所不革革之而無不服
田疇闢溝洫治草木營茂鳥獸魚鼈無所不得其惟性

者其富足以備禮其知足以廣樂其治足以致刑子大夫以謂何施而可以臻此方今之弊可謂衆矣揀之道必有本末所施之宜必有先後此子大夫所宜知也生民以來所謂至治必曰唐虞成周之時詩書稱其迹可見以至後世賢明之君忠智之臣相與優勤以營一代之業雖未盡善要其所以成就亦必有可言者其詳著之朕將親覽焉舊制殿試進士以詩賦論特奏名進士一論至是進士就席有司又猶給禮部韻及試題出乃策問也上顧執政曰對策亦何足以實盡人材然愈於以詩賦取人耳得葉祖洽以下三百五十五人第為五等賜及第出身同出身翌日試特奏名進士內出制

策曰子大夫問學日久閱義理多矣唐虞三代所以治
中國兼夷狄與夫秦漢以來天下所以存亡興壞其要
可得而聞歟堯舜聖而不可知也而以能哲而惠為難
乃至憂驩兜畏巧言令色孔壬而不能使有苗化其道
安在乎其為神也伯夷柳下惠皆古聖人也而孔子曰
我則異於是楊朱墨翟雖不合大中之道然其一以為
為我其一以為魚愛於義未甚悖也而孟子繼之以比
禽獸此其故何也各以所聞詳著于篇同日試特奏名
明經諸科大義十道得許銓以下四百七十四人賜本
科及第同出身授試監簿諸州文學長史助教

文獻通考

三年親試舉人初用策舊制進士一日而魚賦詩賦論
謂之三題特奏名人止試論一道至是進士就席有司

猶然故事給禮部額及題策乃策問也策祖治對策言
祖宗多因循舊制之政陛下即革而新之知考為三等
官茲為五等上令宰相陳升之而請以祖治為第一考
教書訪求諸行才識學術之士第賜監司以寵榮等二
十人應詔送舍人院試而存以官監司以寵榮等二
下諸科經五舉試七舉首試下立免解四應舉授諸州
司士長又詔景祐五年以前禮部試下進士一舉諸科
官三年又詔景祐五年以前禮部試下進士一舉諸科
二舉六年十五卷通加一舉則不限年州縣以名聞時
准恩府監舉人以京朝官二人保誠進士七舉諸科八
舉年四十禮部嘗奏名者並特赴殿試惟河北河東陝
西三路各減一舉以優之舊止試論至是知進士試時
務第一道自同五經出身而降為九等上等注官次守
選次遇郊注官及不理選限各有差詔諸州舉送
解考武監試官及親戚若門客毋得試於其州類其名
上之轉運司改與燥應同試幸上人特立一額以解不
用其所題六年三月六日上御集英殿試禮部奏名進
士內出制策曰古之明王求賢而聽之擇善而使之法

不足以有行也改之而已人不足與有明也作之而已
以守位則安以理財則富以禁遏則聽以討罪則服以
交鬼神則饗以來蠻夷則格以上治則日月星辰得其
序以下治則鳥獸草木得其性朕夙興夜寐心庶幾焉
而未知所以為此之方予大夫其各以所聞為朕言之
朕即位于茲七年行義政事之失加於天下多矣往者
或不可救來者尚可圖也以所見言之毋隱余中已下
三百四十八人並賜及第出身同出身同學究出身七
日試特奏名進士內出制策曰唐虞三代聖人之迹熄
久矣然其所以治心其所以修身其所以知人其所以
養民其所以事天地其所以交萬物見於載籍蓋有道

矣子大夫其各推原所學明以告朕論語曰謹權量審
法度修廢官四方之政行焉四者之政行恃此而已乎
又曰興滅國繼絕世舉逸民天下之民歸心焉天下之
民歸心恃此而已乎且如何斯可以謂之逸民也得進
士李仲熊已下四百七十五人諸科廖彞元已下二百
一十七人並賜同出身本科出身試監簿諸州文學長
史助教 九年三月六日上御集英殿試禮部奏名進
士內出制策曰朕欲士之知德也故造之以經術欲吏
之知政也故迪之以刑名欲民食足也故本業而振貸
之為之除其徭賦而脩地之利欲兵之彊也故選將蒐
卒什伍丁壯而教之旗鼓坐作進退之法士亦知所學

笑而忠信可用者尚寡吏亦知所守矣而慢令犯法者
尚多一方水旱民輒流亡萁踣而蠻夷之驕悖未艾也
意朕設施之方有未善歟不然其故安在朕聞先王之
為民也有禮以道之中有樂以道之和致天地位焉萬
物育焉其本數未度宜有可考而復用者其詳為朕言
之無隱得徐鐸已下四百二十六人並賜及第出身同
出身同學究出身翌日試特奏名恩澤舉人內出制策
曰先王之于民也知所以教之及其不服也又知所以
刑之故皆安富順善莫為邪惡聚之詢事則輸其誠率
以犯難則致其死及道之衰非不欲生之也而適所以
害之非不欲教之也而適所以壞之非無刑也而或不

在於有罪民始窮困失職鄙詐以誣其上而莫為之用
蓋先王之治也為之必有數後世之亂也失之必有本
予大夫所宜知也其為朕詳著于篇得進士楊燁已下
四百四十七人諸科李均已下一百九十四人並賜同
出身本科出身試監簿諸州文學長史助教 元豐二

年三月十一日上御集英殿試禮部奏名進士內出制
策曰上古人材之盛莫如唐虞之際以為司空則水土
平以為稷則百穀殖以敷五典則從以明五刑則服至
於器用利動植和禮樂成出納允與夫內岳外牧相為
倡應以成天功者凡以材也茲非其盛歟其次莫若周
然有婦人焉九人而已則夏商之間與夫文武之後材

之不足為可知也夫天下之事常有餘而人材每不足以不足之材治有餘之事則彼聖賢之君作而成功者孰與濟也抑其材雖不及唐虞成周之全而得其傑然者足以興之歟將其君自為之而無待乎材之富也不然其所就安得與之班乎自嬴秦至于五代或君擅天下或霸據一方其所興所為及乎所成之功於傳故可見也子大夫其各以所聞言之得進士明經諸科時彥以下總六百二人第為五等賜及第出身同出身同學究出身十三日試時奏名進士內出制策曰朕惟前代聖帝賢王稽道度時制法御事雖隆於不同然收功顯名卒皆有成可觀焉朕以不德繆承先烈自初嗣服蓋

竊己有志乎天下之政矣故登延師臣作成治法行之
四方逮茲累年而效不著見俗未丕革何也豈設施後
先失其序而朕之寡陋不足以倡之歟抑好惡未宣姦
邪尚得以震蕩搖惑奉令者之心歟不然己日乃孚歟
予大夫學先生之經久矣當世之務宜有以證之也其
各為朕詳言之無隱得進士明經諸科總七百七十八
人賜同學究出身授試將作監主簿國子四門助教長
史文學助教 五年三月十一日上御集英殿試禮部
奏名進士內出制策曰朕聞禮以辨上下法以定民志
三王之時制度大備朝聘鄉射燕享祭祀冠昏之義隆
殺文質高下廣狹多少之數尺寸銖黍一有宜稱貴不

以偪賤不敢喻所以別嫌明微釋回增美制治於未亂
止邪於未形上自朝廷下迨閭里恭欽搏節惟忻交通
人用不偷國事無事降及後世陵夷衰微秦漢以來無
足稱者庶人處侯宅諸侯乘牛車貧以不給而廢禮富
以有餘而僭上宮室之度器服之用冠昏之義祭饗之
節率皆紛亂苟簡無復防範先王之迹因以熄焉傳曰
禮雖末之有可以義起也核之學者多以為非聖人莫
能制作嗚呼道之不行也久矣斯文不作也亦久矣抑
恣其廢而莫之救與將因今之材而起之也得進士明
經諸科黃裳以下五百九十二人賜及第出身同出身
翌日試特奏名進士內出制策曰古之學校廢興未嘗

不關世之治亂也鄭之子矜魯之泮宮載於詩人頌刺
周衰秦以夷狄擅天下於是先王教養之遺跡絕滅不
復有聞於後世故歷世有爲之君雖慨然思有以髣髴
治古之盛迨考其所成終始則亦爲一時美觀而已非
有先王之故也朕以不敏荷祖宗積累久之業思與
有德有造之士共承之故尊延師儒發釋經訓庶幾學
者迪德矣若夫以事示之以象教之則寤寐以思弗獲
于懷今欲使爲士者外備其文內美其質用修文事而
無不宜用作大師而無不及予大夫以謂何施而可趣
於此乎其爲朕詳著設施後先之叙稽於古而宜於今
者條著於篇得進士明經諸科八百三十六人授假承

務郎文學助教攝助教

哲宗元祐三年三月十日上

御集英殿試禮部奏名進士內出制策曰朕肇膺駿命涉道寡昧懼無以奉承太母之慈訓而彰先帝休德夙夜以思樂得天下之忠言嘉謀庶以濟茲今予大夫群至在庭朕甚嘉之蓋聞天之災祥以類而至古之善言天者能推斯變以應斯事若合符節自去冬大雨雪至于春二月不止人大失職廣罹凍饑萁踣者衆夫常寒之罰久陰之異必有以召之其故安在朕為政于茲四年於是蠲天下逋負輕征而散利苟可益下無不為者而民力猶未裕也捐今幣之賜廓信義之度以安邊柔遠而戎心猶未革也豈所謂至恩者未可謂本務歟特



施設之序或失其當歟官之流至多門也舉天下之職
不足以居其人財之費至無藝也量天下之入不足以
為之出將革之乎或疑於傷恩將因之乎懼無以善後
必有至數未燭厥中先王之時上之陰陽和風雨節下
之稼穡茂衣食充官簡而士貴財通而禮行四夷款附
邊場按堵又何修而至斯歟夫切而不迫緩而不迫朕
非求于空言也蓋將有考而行焉其悉心茂明之得李
常寧已下五百二十三人並賜及第出身同出身翌日
試特奏名諸科進士內出制策曰古之聖王士必有原
故廣設學校任人必以職故分建六官使民必有法故
均定力役胥徒必有養故祿農夫先帝知是為政之端

也興太學修教養之法將以隆經行而學者或泥於誕
迂一曲之說建有臺寺監使人專其官官任其事而文
移期會有迂滯之譏等差庶民之產以多寡出金所以
寬力役而編戶多病於歲輸第群吏而賦之祿所以養
廉耻而有司每患於冗費論者及此多笑輸金而免役
既罷從舊法矣然或者猶不以為便伊欲學校盛而士
向方六官修而政務敏力役均而民不勞群吏養而冗
費節何施而可以臻此予大夫固嘗講聞其要矣其明
著于篇得王鄰臣已下五百三十三人賜同出身假承
務郎京府助教諸州文學助教 六年三月十日上御
集英殿試禮部奏名進士內出制策曰朕以耿躬嗣承

大統思所以仰奉太母之慈訓無忝祖宗之盛烈若涉淵水罔知攸濟是用詳延天下之士咸造於庭冀有所聞以輔不逮故虛懷而問焉其悉心以對嘗聞漢興四十餘年孝文專用德化遂能移風易俗興於禮義斷獄數百幾至刑措章帝繼建武永年之政事從寬厚人賴其慶郡國所上符瑞合於圖書者數百千所嗚呼盛哉朕屬當六聖之次席造邦百年之休寅畏以事上帝哀矜以臨兆民而歲報重辟至以千數或既貸之又相隨以就死也乃至寒燠備差水旱為沴况敢望美祥之運至哉彼何修而臻茲今何由而反是朕甚惡焉夫捨樂成之業而事紛紛者朕所不取也端拱無為遊於巖廊

者朕所欣慕也天何言哉四時行爲百物生焉此朕之
所恭聞也然而賢鄙之未明徭賦之未平法令之屢更
戒羗之不誠變微之未清頗欲革而正之安得無擾而
定也農先王之首務也何道可以盡其力禮治世之盛
典也何時可以制其宜何以使人不趨利而矜節何以
勸士不憚勞而奏功古之典刑必有切於今者其用孰
先今之施設固有戾於古者其失孰大抑又聞患生於
宴安而事歲所忽地大物夥孽芽其間以天下之廣黎
元之衆無乃有未萌而當豫防者乎其消之弭之之術
又如何也予大夫其具條之勿猥勿并務求其當不激
不誦以適厥中惟存之以者事詳得之深則理暢其勉

之哉朕將親覽得馬消已下六百二人並賜及第出身
同出身翌日試特奏名諸科進士內出制策曰朕嘗觀
漢世以經術舉士而春秋之學尤見施用凡朝廷有大
議天地有大變賞刑有未中風俗有未乂必詢于外廷
繼以經義故董舒之陰陽公孫洪之典法劉向父子之
洪範並推原天意附益時政前史稱述朕甚嘉之昨詔
有司復經傳之舉譽髦造士稍稍在選今將循往漢之
制遵一王之法以之明是非定猶豫推天意合人事又
慮未見至隱徒起異端以之讞獄辭辨枉直善善而惡
惡一以義斷得無與今律令之文有不合乎或曰古今
異宜將置而不講則夫素王立教豈特空言學者潛心

乃為無用子大夫修先王之道達當世之宜試為條陳
以釋滯論得劉必已下三百二十三人並賜同出身假
承務郎京府助教文學州助教 哲宗紹聖元年三月
十四日上御集英殿試禮部奏各進士內出制策曰朕
惟神宗皇帝躬神明之德有舜禹之學憑几聽斷十九
年之間凡禮樂法度所以惠遺天下者甚備朕思述先
志拳拳業業夙夜不敢忘今博延豪英徠于廣殿策以
當世之務冀獲至言以有為也夫是非得失之迹設施
於政而効見於時朕之臨御幾十載矣復詞賦之選而
而士不知勸罷常平之官而農不加富可差可募之說
雜而投法病或東或北之論異而河患滋賜士以柔遠

也而羗夷之侵未弭弛利以便民也而商賈之路不通
至于吏員猥多兵備刑缺飢饉荐至寇盜尚蕃此其故
何也夫可則因否則革惟當之為貴聖人亦何有必為
子大夫其悉意陳之母隱得畢漸已下五百一十三人
並賜及第出身同出身翌日試特奏名諸科進士內出
制策曰古者極治之時法度修教化明學術正論議一
士之習于學者皆原於道德之意天地萬物之理及人
材得其位也輔佐人主治天下國家與夫修身正心一
以六藝為法以保民則惠以發政則平以制用則上下
足以更化則刑罰措何其盛哉朕甚慕焉方今承六聖
之烈太平百有餘年兵革不試澤流無窮功化之盛度

軼漢唐遠矣然而議者猶以謂典章文物禮樂度數倣之先王未備也學校之制舉選之法人材之盛較之治古未及也至於習俗則廉耻仁厚之節薄侈靡夸詡之風成所制之產不足於用或遇水旱則散之四方抵法者衆雖詔書數下勞徠安輯而吏或不能奉承此何謂歟夫欲因今之勢協用群策以一二追先王之治則損益因革當繇何道矯薄從忠當自何始傳曰先王之道必有偏而不起之處故政有眊而不行又曰三王之教所祖不同夏尚忠商尚質周尚文漢宜少損周之文致周夏之忠繇今言之則舉偏補弊者何先先治天下者何尚若夫欽五事以明天道介景福以成太平用九馳

以觀君子謹三聽以同國人尚賢能以立功名息邪說
以明法度此皆先王以試之効也子大夫道問學通世
務宜條其是非得失與可施於今者著爲無章於文切
磋商之朕將親覽焉得陳希伋以下三百四十六人賜
假承務郎助教文學有差 四年閏四月二十四日上
御集英殿試禮部奏名進士內出制策曰古之明王以
道揆事以賢任官人得以盡其才法足以行其意小大
之分得遠邇之俗同因之以輔志而上無疑謀勞之以
輔志而上無疑謀勞之以勸相而下無拂心以修在地
之政則省山而木允猶河而水翕以協在天之紀則日
星順其行歲月得其序至於禮備樂作而告其成功於

嗚呼何施而可以臻此歟朕獲奉宗廟懼不敏明無以
章先帝之休德故雖故自親政以來嘉與卿士大夫
修明厥緒申喻朕志累年于茲而推原本旨或未盡察
人自為義澤不下究此其故何歟書不云乎勅天之命
惟時惟幾方今之務所當損益應時而造者必有其序
為之于未有謀之於未兆必有其幾予大夫之所宜知
也蓋自唐虞至于周更六七聖人而後其法大備今其
書具在可考而言也然則孰鑒而不合孰可推而行之
其詳著于篇朕將親覽焉得何昌言已下五百六十九
人並賜及第出身同出身翌日試特奏名諸科進士內
出制策曰朕聞先王之時因任原省而繼之以賞罰之

政善惡別曰賢才衆多人羞其行而百志用熙為之君者垂拱無為而天下治矣此黎獻共惟帝臣所以稱於虞而濟濟多士之詩所以作於周也朕紹休聖緒以眇眇之身託于王公之上永惟萬事之本要在乎得人是故修學校之政建師儒之官所以養之至詳開薦進之路略資格之拘所以求之至廣也是宜俊乂並出至於不可勝用矣今則不然庶工多曠而分職不治因事求才患莫之得豈朕作人之道未至歟不然其弊安在以至助耕歛而民不富旌功實而吏不勤養士卒而兵不足嚴刑罰而姦不止其故又何歟子大夫講聞於此舊矣其悉為朕言之毋隱賜同出身諸州文學助教有差

內謝師古陳漢竒以達人各賜絹二十匹又李惟岳以
高年賜十匹 徽宗崇寧二年三月八日上御集英殿
試禮部奏名進士內出制策曰昔者聖人之用天下也
任之以道立之以政又之以人故敷五典則遜修九功
則叙迪百工則釐綏四夷則服朕甚慕焉而未知所以
為此之方永惟先帝盛德大烈施及後世博矣追而復
之罔敢墜失蓋以恩睦族故為之品制祿秩而辨疏之
等以經造士故為之衆建師儒而興庠序之教平其市
價通其有無以修理財之政明其功賞復其境土以宣
禦戎之威彰善癉惡以明君臣父子兄弟之義凡此於
朕志謂庶乎其可矣然而道德之難明風俗之不一何

也儀刑緝熙欲其効見有加而澤被生民賴及萬世則
必有道以致於斯也子大夫其悉意為朕言之無隱得
霍端友已下五百三十八人並賜及第出身同出身特奏
第一名賜五年三月八日上御集英殿試禮部奏名進
士內出制策曰朕稽成周之隆以善養人而士由里選
以武禁亂而兵本於農以八法八柄建邦詔王以九職
九賦九式豐財裕民格于上則七政以齊達于下則萬
物以遂去古既遠人之不明久矣惟我神考追法先王
作新其材造之以學校聯比其民教之以兵法治官府
馭羣臣任萬民歛財賄而均節之與周匹休中更詆誣
改革殆盡肆朕續承永悼先烈夙興夜寐舉而措之天

下累年於茲好惡明而民未丕變國是定而士未退聽
法度彰而政未大成者獨何歟豈緝而熙之者未究遵
而揚之者未至歟予大夫其考周驗今推原先志明以
告朕若夫古聖人輔相裁成而和同天人之際都俞疇
咨而坐視天民之阜何施而可以臻此其著于篇朕虛
心以聽焉得蔡薺已下六百七十一人賜及第出身同
出身特奏名大觀三年三月六日上御集英殿試禮部奏
名進士內出制策曰昔者先王治定而制禮功成而作
樂以合天地之化禮之數五施之七教形之八政有典
有職定親疎決嫌疑別同異明是非然後小大貴錢之
分定樂之數六文之五聲播之八音有序有政和邦國

諧萬民悅遠人動物然後神示人物以和朕嗣承祖宗
休烈述而作之以追先王之緒而繼神考之志予大夫
以謂如之何而可以臻此禮廢樂壞久矣去古悠遠矯
拂其俗非常之元黎民惧焉或曰三王不相沿襲今樂
猶古之樂無事於改則先王事神治人移風易俗終不
可幾歟今樂成而人未化禮議而制未頒其考古聽今
為朕詳言之毋隱得賈安宅已下七百三十一人賜及
第出身同出身特奏名闕政和二年三月十二日上御集英
殿試禮部奏名進士內出制策曰昔者明王以道御世
而已德化之教以三物糾以八刑其民恭而不苟遜而
不爭親而不怨和而不乖故道德一而民志定分守明

而禮俗成是非取舍皆當於義而無有私智犯上餘風
遺烈雖衰世之公子干城之武夫伐條之婦人漢上之
游女莫不好德無思犯禮勉其夫以正朕嘉與萬共由
斯道夙夜以思未知所以為之之方朕若稽古以善天
下去古綿邈世流於末習卑踰尊下僭上貴賤失分彊
弱相陵小大先後無復防範忘義昧利交相為瘡習以
成俗士無操術偷薄浮偽朋邪罔上無有忌憚朕甚不
取夫易其俗革其弊以趨先王之盛何修而可以政及
乎傳曰子帥以正孰敢不正如漢之文帝躬行節儉身
衣弋綈而庶人屋被文繡豈其習俗之久有不能化歟
豈其施為舛戾不足帥歟予大夫其攷古驗今為朕詳

言之得莫儒已下七百一十三人賜及第出身同出身
翌日試特奏名諸科進士內出制策曰孝莫大於嚴父
嚴父莫大於配天先王宗祀文王於明堂以配上帝仁
之至義之盡也永惟神考天德地業施之萬世可謂博
矣朕嗣有令緒夙興夜寐靡敢遑寧期於報稱而尊嚴
之典有所未至頃嘗詔有司度地鳩工將以作之而議
者或取四時五行之象五室九室之儀或謂在寢在郊
在國之南欲稽於古有所不合欲循於近恐或固陋將
以義起恐不師古然其義其位其數其制必有稽焉子
大夫當茂明之昭事昊天崇報烈考不其臧歟

文獻通考政和

二年親試舉人始罷賜詩改賜箴

先時御史李章言

作詩害經術自陶潛至李杜皆遭譏詆詔送勅局立法

宰臣何執中遂請禁人習詩賦又詔士毋得習史學
吳氏能改齋漫錄曰先是崇寧初公議不以意王氏之學士
非三經字說不用至致和之初字議不粹中為是蔡氏為
翰林學士居舍人列奏御望今後時務策史以紀事本末
張璪為起居舍人奏御望今後時務策史以紀事本末
漢唐歷代通儒可依所奏御望今後時務策史以紀事本末
該實廬得博習之士不負宿興之選未幾監察御史實代
事寶中侍御史李彥章言夫詩書禮者先王之學也習秦漢
權殿中侍御史李彥章言夫詩書禮者先王之學也習秦漢
載秦漢隋唐之流俗之學也詩書禮者先王之學也習秦漢
隋唐之流俗之學也詩書禮者先王之學也習秦漢
之而建立漢唐之流俗之學也詩書禮者先王之學也習秦漢
乎伏聖前日之詔使士人專近臣進思之學也習秦漢
世俗之習儒幸甚奉御筆一專近臣進思之學也習秦漢
該實廬得博習之士不負宿興之選未幾監察御史實代
所以教通為通儒今再思之御筆一專近臣進思之學也習秦漢
兼習士也況詩賦之家皆在紀事之史以載道史以紀事
經術之士不得專心先王之前學元史之今羅默詩賦而非
元年三月戊戌也依前奏王降指玩于今羅默詩賦而非
賦此崇觀以後立科馬端臨曰按指玩于今羅默詩賦而非
所以有以通鑑蘇黃之酬唱也其尊經書抑史然廢詩和以
以有以通鑑蘇黃之酬唱也其尊經書抑史然廢詩和以

姦其意真以為六籍

優於還固李杜也哉

五年三月九日上御集英殿試禮

部奏名進士內出制策曰古之聖人以道蒞天下處無

為之事行不言之教用之不窮而物自化朕昧是道君

臨萬方夙興夜寐欲推而行之神而明之然物或行或

隨或噓或吹或殫或羸或載或隳相生相成相形相傾

莫之能一此道之所以難行姦軌亂常所以難化如之

何而解其紛合其異乎昔之言道者曰天法道又曰道

之大原出於天道非陰陽又曰一陰一陽之謂道道無

為而日生之長之成之養之道無名而曰可名以大可

名以小道一而已其言之不同何也堯舜三代以是而

帝以是而王由漢以來時君世主莫或知此朕方近述

於千載之後齊萬殊之見明同異之論以解蔽蒙之習

未知其方子大夫無流於浮偽為朕詳言之得何臬已

下六百七十八賜及第出身同出身

特奏名闕

七年二月九

日上御集英殿試高麗學生金端等策曰朕惟道之在

政事以上治而觀於天則七政可得而齊五辰可得而

撫以下治而察於地則萬物各得其宜山川裕如鳥獸

魚鼈咸若通於神明則裁成輔相贊天地之化育和同

天人而使之無間顧何施而可以臻此昔武王垂意而

問箕子盡道而陳始之以五行次之以五事終之以五

福子大夫所常學而知者悉著于篇朕將施之於政無

俾前人專美有周不其勉歟賜學生權適等上舍及第

釋褐以適為承事郎趙奩金端並文林郎甄惟氏從事
即令隨進奉使李資諒歸本國 八年三月十六日上
御集英殿試禮部奏名進士內出制策曰朕惟昔之聖
人提挈天地把握陰陽以前民用故黃帝始正天綱臨
觀八極考建五常原陰陽之化類萬物之情窮性命之
理以迪後世堯舜乃命羲和曆象日月星辰在璇璣玉
衡以齊七政箕子叙洪範協水火木金土推而見之於
貌言視聽思之五事左丘明有取於六氣之說則曰陰
陽風雨晦明而已前聖後聖其揆一也而其言其用之
不同何也今歲戊戌赫曦之紀太陽主之太過之年過
與不及相為終始過者抑之不及者舉之然五者相生

相克相沿相繼高下之相召升降之相因其變不窮如
之何可以財成其道輔相其宜使之適平無有餘不足
之患而和同無間乎朕將仰觀俯察運於一堂之上兼
明天下後世子大夫其詳著于篇毋略得嘉王已下七
百八十三人賜及第出身同出身特奏名闕宣和三年三月
十二日上御集英殿試禮部奏名進士內出制策曰朕
稽法前王通求先志顧德弗類永惟神器之大不可為
不可執故以道蒞之夙興夜寐惟道之從祖無為之益
以馳騁乎天下萬世無弊者也然為道在於日損物或
損之而益益之而損損之又損至於無為則是無弊之
道損益隨之子大夫以為如之何而無損無益乎朕粵

自初載念承百王之緒作於百世之下繼志述事罔敢
怠忽立政造法細大不遺庶幾克篤前人之烈推而行
之間非其人挾姦罔上營私背公故庠序之教雖廣而
士風凋喪理財之術益多而國用匱乏務農重穀而饑
饉荐臻禁姦戢暴而盜賊多有比詔有司稍抑浮偽事
有弗利於時弗便於民者一切更張之悉遵熙豐之舊
矣蓋可則因否則革權時之宜也揆之於道固無損益
然當務之為急則因革損益其在今日乎子大天詳延
於廷為朕言之毋隱得何渙已下六百三十人賜及第
出身特奏名開六年閏三月二十三日上海集英殿試禮部
奏名進士內出制策曰在昔聖人以道御氣以氣御化

以化御物而弥綸天地經緯陰陽曲成萬物因其盛衰
奇偶多寡盈虧之數左右之紀上下之位而範圍裁成
之道著焉後世繫於末俗淺聞卑見不足與明朕承天
休憲法上古思所以和同無間以惠元元然物生而後
有象象而後有數數之不可齊也久矣夫天數五地數
五而有曰天以六六為節地以九九制會又曰二而成
天三而成地三而成人此天地之數錯綜之不同何也
易曰當期之日凡三百有六十書曰暮三百有六旬有
六日內經曰七百二十氣為一紀歲紀之數可坐而致
乃不一何也夫道生一一生二二生三三生萬物而傳
曰萬有一千五百二十當萬物之數數之不可勝窮不

可齊不可一也如此將何以原始要終合其同異一其
旨歸通其變極其數以盡天下之道朕將有所施設焉
予大夫詳言之毋忽得沈晦已下八百五人賜及第出
身同出身

特奏名賜
上續國朝會要

全唐文

宋會要 舉士

親試

高宗建炎二年八月二十三日。上御集英殿。試禮部奏名進士。內出制策曰。蓋聞治道本天。天道本民。故視聽從違。不急於筭數。占候而惟民是察。持以至誠。無遠弗屆。古先哲王。罔不由斯道也。朕承宗廟社稷之託。於倂擾貼危之後。懷父母兄弟之憂。於携貳軍徵之時。念必撫民以格天。庶幾悔禍。以靖難踰年。于茲寢興。在是故府庫殫。匱軍費倍滋。而賦歛加薄。外患未弭。寇盜尚多。而追胥有程。擇守令以厚牧養。責按廉以戢貪暴。命令

為民而下者十常六七凡曰聚所欲去所惡者朕有弗聞未有聞而不卹卹而不行也然而迎親之使接武在道而敵情未孚保國之謀刻意在兵而軍勢未張躬純儉以厚本而驕侈之習未悛擴大公以示訓而私枉之俗在勝刑賞不足以振偷惰之氣播告不足以革狂迷之心田畝未安旱蝗害歲豈朕不德無以動天抑令失宜而民以為病乎何精誠之弗効而禍患之難戢也伊欲復親族奠疆場清寇壤善風俗使百姓安業而疊疊迂衡何修而可以臻此子大夫涉艱險以副詳延誠亦勤矣其必有至言欲為朕陳者其悉言之毋隱若乃矜空文而無補於實咎既往而無益於今者非朕之所

欲聞也其以朕所未聞而宜於時者言之朕將親覽焉
得正奏名李易以下四百五十一人第為五等賜進士
及出身同出身內何元仲等五名同學究出身是歲
以兵興道梗諸路進士赴殿試不及者河北路李彙等
二人京東路祝師龍等二人四川類試正奏名進士八
十三陝西類試正奏名周忠厚等十六人並賜同進士
出身特奏名進士張鴻舉以下賜進士及第同進士出
身同學究出身登仕郎京府助教上下州文學諸州助
教諸州助教特奉名自來常格第一等第一名賜同進
士出身第二名第三名並賜學究出身時上初即位御
殿試舉人特恩也 紹興二年三月二十三日上御集

英殿試禮部奏名進士內出制策曰朕承中否之運獲奉大統六年于茲顧九廟未還兩宮猶遠夙興夕惕靡敢康寧閔國步之久艱悼已事之失策虚心求治不憚改圖故詳延子大夫于廷咨當世之急務冀聞長計以興大業將覈其言收其用非特循故事設科舉塞人情而已古先辟主繼中微之世東思治之民芟夷大亂事半而功倍少康一旅而復有夏宣王興衰以隆成周光武三年而興漢祚肅宗再歲而復兩京皆蒙前人之緒業撥亂反正若此其易也今賴四方黎獻翊載耿躬列聖之澤未遠也朕焦心勞思不敢愛身以勤民然屈已以和戎而戎狄內侵招攜以弭盜而盜賊猶熾以食為

急漕運不繼而廩乏美儲以軍為重選練未精而軍多
冗籍吏員猥并而失職之士尚衆田萊多荒而復業之
農尚寡嚴賊吏之誅而不能革貪污之俗優軍功之賞
而無以銷冒濫之風方今非外攘夷狄則不足以靖民
取於民有制則不足以給軍徒之衆為人父而推其子
則又何以保民而王哉朕弗明治道仍闇事機凡此數
者常交戰于宵中徒寢而不寐當食而嘆也子大夫與
國同患難久矣宜考前世中興之主其施為次序有切
於今者祖宗傳序累世其法度有可舉而行者平時種
學待問竒謀碩畫本於自得可以持危扶顛者其悉意
以陳朕將親覽是日上批賜御試考校官曰今次殿試

對策直言之人擢在高等謫倭者置之下等辭語尤謫
倭人與諸州文學仍限十日考校得正奏名張九成以
下二百五十九人第為五等並賜進士及第出身同出
身是歲四川類試正奏名楊希仲等一百二十人第一
人依殿試第五人恩例餘並賜同進士出身特奏名石
公輒以下一百五十八人賜進士出身同進士出身同
學究出身登仕郎京府助教上下州文學諸州助教文
通考紹興二年親策進士張九成等時凌景夏為第二
呂頤浩言景夏詞寔勝九成請更賞第一上曰士人初
進便須別其忠佞九成上自朕躬下至百執事言之無
所畏避乃擢賞首選九成以類試及親策俱第一特進
一官四川類試第五人恩例
五年八月二十二日上御
人依殿試第五人恩例
集英殿試禮部奏名進士內出制策曰朕德匪陋紹承

大統遭家多難求濟未獲是以博延豪俊咸造在廷覲
聞治道之要子大夫其必盡精極慮樂為朕言之蓋聞
在昔聖王之治天下正心誠意躬行乎上者固自有道
而措諸事業之間則或寬或猛或質或文變通隨時不
膠於迹故其成効布在方冊昭昭乎其可觀也朕甚慕
之越自即位九年於此矣思欲雪父兄之耻而復祖宗
之烈夙夜祇懼罔敢荒寧而施為繆盭治效缺然深惟
其故不憚改作間者乃下銓量之令以擇吏而真才猶
未顯也嚴科歛之禁以卹民而寔惠猶未孚也謹簡練
之法以治兵而冗食猶未革也夫吏道未肅民力未蘇
兵勢未彊朕之治所以未効也顧何以辦解事勦氓弭禍力亂

哉而建議之臣并欲考課以校殿最省官以抑奉稍力
役不足以供餉饋也為之屯戍營田以寬之賦入不足
給調度也為之平準均輸以佐之爵賞未艾也為之定
武功之等紀律未明也為之參府衛之制凡若此者其
合於古便於今乎其或有不然者耶雖然此治之迹也
上之欲三辰明四時序災沴不生而動植遂性下之欲
風化行習俗厚姦宄不作而中外協心茲可以占天人
之助矣夫何敵不克何難不濟興復大業其庶幾乎子
大夫以為何修何營而可以臻此其條列而茂明之務
適於用朕將有稽焉得正奏名汪洋賜名應辰以下二
百二十人第為五等賜進士及第出身同出身內王日

休為難犯賜同學究出身

特奏名汪喬年以下二百七

十二人賜同進士出身同學究出身京府助教上下州
文學諸州助教 八年六月十八日上特御射殿引見
禮部正奏名特奏名進士出身正奏名同四川類試合
格人參定第為五第得黃公度以下二百九十五人賜
及第出身同出身特奏名林恪以下賜進士出身同出
身同學究出身登仕郎京府助教上下州文學諸州助
教 十二年三月二十二日上御集英殿試禮部奏名
進士內出制策曰朕以涼薄之資撫艱難之運宵衣旰
食未知改濟今朕祇承上帝而寵綏之効未著述追光
烈而紹開之勳未集至德要道聖治之本也而欲未得

散利薄征王政之所先也而勢未行設科以取士而或以為虛文休兵以息民而或以不武至若宗社遷寄扈衛軍寡士狃見聞而專用私智民習偷惰而莫知返本子大夫所宜共憂也其何以助朕極幾陞之緒振中興之業詳著于偏篇朕將親覽焉得正奏名陳成之以下二百五十三人第為五等賜進士及第出身同出身葉侁雜犯與同舉究出身林觀國犯譴與下州文學特奏名

胡鼎才以下五百一十四人賜同進士出身同學究出身登仕郎京府助教上下州文學諸州助教十五年三月二十四日上御集英殿試禮部奏名進士內出制策曰蓋聞古先哲王博求賢能而任使之故治功昭著

名聲流聞。邈乎不可以致。及朕甚慕焉。今朕託士民之
上不敏。不明。鬱于大道。所賴以濟者。惟真賢寔能是望。
然扶世導民。須德行也。廼或同於鄉原。排難解紛。須智
略也。廼或專於謀身。為政苟趣。辨則不修。廉隅。摘文徒
華藻。則不本忠信。平居上輕下。爵上肆貪。得之心。臨事避
劇。就易。獲首公之節。望古之所謂德行。智略。政事。文章。
心術。節。槩與今舉異。歟。將教化不明。徃於末習。而然歟。
予大夫學優而仕於斯數者。其自處固已審。使風俗曠
然大變。必有術悉之。復之。詳署于篇。朕將親覽焉。得正
奏名劉章以下三百人。賜進士出身及第出身同出身
內注安仁。雜記特賜學究出身。徐渭。李廷。北廟。薛。妹。名。

特與下州文學

特奏名林洵美以下二百四十七人賜

同進士出身同學究出身登仕郎京府助教上下州文

學諸州助教

十八年四月三日上御集英殿試禮部

奏名進士內出制策曰朕觀自古中興之主莫如先武

之盛蓋既取諸新室又恢今一代宏模巍乎與高祖相望

垂統皆二百祀朕甚慕之今子大夫達通國體咸造于廷

願聞今日治道何興補可以起晉唐之陵夷何馳驟可

以接東漢之軌迹夫既抑滅宮之銳謝西域之質則柔

道所理必有品章條貫要兼創業守文之懿視夏康周

宣猶有光焉固子大夫之則蓄積也其著于篇朕將親

覽得正奏名王佐以下三百三十一人第為五等賜進

士及第出身同出身特奏名俞舜觀以下四百五十七人賜同進士出身同學究出身登仕郎將仕郎是年京府助教改將仕郎

上下州文學諸州助教二十一年

閏四月十七日上御集英殿試禮部奏名進士內出制策曰朕惟祖宗創守之宏規舉可掩迹三五然而中遭厄會變起弗圖蓋許國之臣無幾而自為謀者總總也今朕乘中興之運任撥亂之責所賴于有官君子為至切矣顧徂於聞見小慧相先謂了官事為瘼謂履忠信為拙以括囊為深計以首鼠為圓機如此則國家何望為子大夫讀先聖之書通當世之務其為寃復何洒濯可以華舊習何陶冶可以成美化明著于篇副朕虛貯

且以見子大夫入官之志毋忽得正奏名趙達以下四

百四人第為五等賜進士及第出身同出身

內社時可

為四犯犯廟諱嫌名特與下州文學

特奏名昌永以下

五百三十一人賜同進士出身同學

出出身登仕郎將

仕郎上下州文學諸州助教

二十四年三月八日上

御集英殿試禮部奏名進士內出制策曰朕承烈聖之

休偶中否之運遺大授艱罔知攸濟賴天悔禍中外寧

一及間暇之時延見儒生博詢當務子大夫哀然咸造

其精思經術詳究史傳具陳師友之淵源志念所欣慕

行何修而無偽心何治而克誠不徒觀子大夫之立志

抑國家收取士之寔効夫豈小補其詳著于篇靡有所

隱得正奏名張孝祥以下三百五十六人第為五等賜
進士及第出身同出身特奏名呂克成以下四百三十
四人賜同進士出身同學究出身登仕郎將仕郎上下
州文學諸州助教 二十七年三月八日上御集英殿
試禮部奏名進士內出制策曰蓋聞監于先王成憲其
永無愆遵先王之法而過者未之有也仰惟祖宗以來
立經陳紀百度著明細大畢舉皆列聖相授之謨為萬
世不刊之典朕纘紹丕圖恪守洪業凡一號令一施為
靡不稽諸故寔惟祖宗成法是憲是若然畫一之禁賞
刑之具猶昔也而奸弊未盡革賦歛之制經常之度猶
昔也而財用未甚裕取士之科作成之法猶昔也而人

材尚未盛黜陟之典訓迪之方猶昔也而官師或未勵其咎安在豈道雖久而不渝法有時而或弊損益之宜有不可已耶抑推而行之者非其人耶朕欲參稽典冊之訓講明推行之要俾祖宗致治之効復見於今其必有道乎大夫學古人官明於治道蘊蓄以待問久矣詳著予篇朕將親覽得正奏名王十朋以下四百二十六人第為五等賜進士及第出身同出身上宣諭宰臣沈誡等曰殿試卷子其間極有直言者論理財有言欲省修造如崇臺榭起樓閣以為虛費之事朕雖無此事然喜其直言至說銷金鋪翠朕累年禁止尚未盡革當焚之通衢並可立法必於禁止前後處對未見有此朕謂

祖宗設科非特網羅人材蓋將以求直言之士朕前日
諭考試官令取直言置之上列非為虛文可將任賢擇
字號卷居第一特奏名李三英以下三百九十二人賜
同進士出身同學究出身登仕郎將仕郎上下州文學
諸州助教文獻通考紹興二十七年先時蜀士赴殿試
不及者皆賜同進士出身上念其中有俊秀能高第者
不宜皆置下列至是先期諭都省寬展試日以待宰相
沈誨奏天時向暑臨軒非便請後至者臣等策之中書
定高下上曰三年策士朕豈憚一日之勞乎及唱第五
十朋為首第二人閻安中第三人梁介安中梁介皆蜀
士也上大悅

三十年三月九日上御集英殿試禮部奏

名進士內出制策曰朕承祖宗之休德臨御正圖于茲
三紀宵衣旰食以治功志勤道遠未知攸濟今詳
子大夫於廷冀聞古昔之宜以裁當世之務其悉意致
思朕垂聽而問焉蓋聞善為國者仁以得民義以制事
寬猛相濟政是以和無異道也而記稱商周尊而不親
親而不尊之異議者乃有尚嚴者尊尚恩者親之說焉
史述齊魯有舉賢上功尊尊親親之異議者乃有齊政
近商周公治周乃所以治魯之說焉聖賢之為國若是
其不同歟抑道初無二而因時制宜有不可得而同者
歟施之當今亦將有所取舍歟漢七制皆賢君也太宗
躬行恭儉以德化民寬足尚矣而議者謂不若孝宣之

嚴明顯宗法令分明幽枉必達嚴足尚矣而議者不若
章帝之長者然則治道所尚又將孰從而可歟今世之
當務多矣吏道之未勤也士風之未醇也民力之未裕
也將寬以御之則無以革偷惰之習將嚴以督之則懼
其有苛察之失伊欲風流而令行寔修而名立比迹而
兩漢而庶幾三代其何道以臻此予大夫茂明之朕將
親覽焉得正奏名梁克家以下四百一十二人第為五
等賜進士及第出身同出身特奏名黃鵬舉以下五百
一十三人賜同進士出身同學究出身登仕郎將仕郎
上下州文學諸州助教以上中興會要孝宗隆興元年
四月十二日上御射殿引見禮部奏名進士正奏名未

待問以下五百三十七人第為五等賜進士及第出身
同出身翌日引見特奏名梅瑛以下二百七十七人賜
同進士出身同學究出身登仕郎將仕郎上下州文學
諸州助教 同日引見武舉進士正奏名孫顯祖以下
三十七人顯祖補保義郎餘悉補承節郎減磨勘年有
差材武汪國材降二等補進義校尉 乾道二年三月
九日上御集英殿試禮部奏名特奏名進士內出制策
曰朕以不敏嗣承大寶循堯之道于茲五載寤寐俊秀
始得親策于庭子大夫褒然待問必有崇論遠慮副朕
詳延蓋聞唐虞之世法度彰禮樂著不賞而民勸畫像
而刑措都兪賡歌不下堂而天下治朕甚慕之今朕夙

興吳食兢兢業業懼無以協帝華而繩祖武若涉淵冰
未知攸濟間者設舉薦之科下聘召之命而寔材猶未
出也塞徼幸之門申奔競之禁而公道猶未行也廣言
路恢治具而紀綱未立擇守令務寬卹而民俗未裕賦
墨之刑非不嚴而未能使人皆君子之行錢穀之問非
不動而未能使國有積年之儲屯田以實塞下或謂兵
不如農改獎以贍邦用或謂鐵不如楮宣為之不得其
要歟抑文勝而獎難革歟何視古之弗及也夫內修政
事宣王所以興周綜核名寔中宗所以隆漢考之方策
其施行之迹何如子大夫通達古今明於當世之務凡
可以移風易俗富國彊兵者悉陳無隱朕將覽焉得正

奏名蕭國梁以下四百九十四人第為五等賜進士及第出身同出身特奏名黃頌以下二百九十五人賜進士出身同進士出身同學究出身登仕郎京府助教上下州文學諸州助教 同日試武舉進士內出制策曰有陣必有名有名必有數吳之常山鄭之魚麗太公之五行李靖之六花即其名可以知其義即其數可以知其法固有不待考而明者至於樞機之陣其制出於黃帝因邱井之法而開九方因方隅之位而分奇正雖後世有天智神略莫能出其闕闕今考其問對之辭所謂數起於五何以不起於四數終於八何以不終於九四為正不知何者為正四為奇不知何者為奇陣間容陣

隊間容隊所容者何地散而成八復而為一所別者何
形其後又有論風后八陣者謂衡抗於外軸布于內風
雲附其四維所以備物虎張翼以進蛇向敵而蟠飛龍
翔鳥上下其勢所以致用不知又何以分乎子大夫講
此熟矣其詳者予篇朕將親覽焉得正奏名蔡必勝以
下二十人必勝補成忠郎餘悉補承節郎咸磨勘年有
差第二名李可久第三名林桂與第一人恩例可久先
有官復進官二等用龍飛榜恩例也 五年三月八日
上御集英殿試禮部奏名特名進士內出制策曰蓋聞
虞舜無為而天下治周文王則日吳不暇遑食漢文帝
寬厚長者務以德化民而宣帝則嚴綜核之政以法繩

下此四君者為道不同同歸于治然則勞逸寬猛之宜亦各因其世耶朕以菲薄獲承丕緒循堯之道兢業萬機罔敢逸豫亦惟治古帝王是訓是式八年於此矣而德有所未至信有所未孚闕政尚多虛文尚勝敦朴以示化而踰制者尚繁欽恤以祥刑而祇法者尚衆嚴入仕之塗而銓曹猶未清察長民之官而循吏猶未著至於士風之未厚民俗之未淳廣儲蓄而食未豐蠲賦租而人未裕有勸農之官而田不加闢任觀風之使而民或告冤側席幽人而賢才尚遺伏軾勇士而猛將猶闕屯田積穀或以為兵不如農擇帥安邊或以為文不如武救弊之術時措之宜子大夫之謂講聞也其悉以對

毋枉執事朕將親覽焉得正奏名鄭僑以下三百九十
一人第為五等賜進士及第出身同出身特奏名劉弼
以下二百九十一人賜同進士出身同學究出身登仕
郎將仕郎上下州文學諸州助教 同日試武舉進士
內出制策曰昔唐太宗與其臣李靖講論兵法至終篇
發最深之問靖則等而三之一曰道謂神武不殺也二
曰天地謂天時地利也三曰將法謂任人利器也太宗
亦以不戰而屈人兵為上百戰百勝為中深溝高壘為
下要使學者繇下以及中繇中以及上其言是矣然任
人利器深池高壘此在我者固可以自善其術至若不
殺武不戰之功雖我之本心然有不可得而自必者我

欲待之以誠信彼且復我以詐謀我欲懷之以德義彼
且應我以疆暴若之何其使學者習而進於上乎太宗
身百戰以平禍亂李靖窮兵沙磧每出於中下之舉終
莫能踐其上者豈亦言之易行而之難乎抑自治之策
伐謀之兵精神之折衝道德之安疆亦有說乎子大夫
儒而談兵者也其悉以法之最深者為心條陳之毋略
得正奏名趙鵬以下二十九人薦補保義郎餘悉補承
節郎特奏名鄭礪進武校尉吳嘉賓進義校尉減磨勘
年有差 八年三月十七日上御集英殿試禮部奏名
進士內出制策曰朕丕承大命司牧兆人寅畏嚴恭懼
德弗類是以順考帝王之憲鋪尋載籍之傳求其可師

以濟于治惟之制之明後若三宗之顯王固本培基則
有務德之君振旅治兵則有雄材之主習聞其號亦觀
厥成咸有所偏未臻於極若孝文之德則罪不孥宮不
女惜露臺之費除租稅之征可謂仁矣然而恬芒刃之
施釋斤斧之用唯尚寬厚其威不伸朕以孝文之文也
而能厲之以武不亦善乎若孝武之功則選明將討不
服匈奴遠遁百蠻嚮風可謂盛矣然而積尸暴骨快心
胡越財略耗而不膽于戈因以日滋朕以孝武之武也
而能本之以仁不亦善乎嗚呼文者王帝之利器武者
文德之輔助也文之所加者深則武之所服者大唐之
太宗實惟兼之觀其內平禍亂外除戎狄安堵黎元各

有生業史氏所以稱其功德兼隆由漢以來未之有者也
也瞻言清風切所嚮慕伊欲規其能事跋其成績何脩
何飾而外戶不閉行旅不齎何取何營而斷獄幾刑措
米斛直三錢歟家給人足厥道昌由仁義功利四者之
宜當安所施予大夫習先聖之術通當世之務合志度
義其知之矣其明以啓告朕悉意正論毋枉執事朕將
親覽焉得正奏明黃定以下三百八十九人第為五等
賜進士及第出身同出身特奏名陳瑀以下四百八十
一人賜同進士出身同學究出身登仕郎將仕郎上下
州文學諸州助教 同日試武舉進士內出制策曰朕
惟在昔修攻戰之具設守禦之備常出於國家無事之

林宗臣一作林管下同
三十三人一作四十二人
保義郎一作承義郎

時而富國雖兵之道率皆取於人事鋤耰以當矛戟簦笠以當甲楯春鋤夏耨乃其步騎也田里相伍乃其符信也凡所以取於民者何其順且便而教其民者何其簡且易歟今江淮東漢榛莽千里故號沃壤抑欲推古入已行之事而時措之留屯萬人如趙充國之在金城歟則兵不安於為農而或妨於閱習將兵民雜耕如諸葛亮之在渭南歟則兵農不能以相安而或至於兩廢何古人行之功効如此之可必而今日為之如此其難也豈規畫之未盡抑奉行之不得其人耶予大夫為朕推原其所以然無略得正奏名林宗臣以下三十三人宗臣賜武舉及第補保義郎餘悉賜武舉出身補承節

減字
上
各
展
三

字

即特奏名呂庭彥補進武校尉李元光補進義校尉
磨勘年有差以上乾道會要

寧宗慶元元年五月二十三日宰執進呈來年臨軒策
士依祖宗典故合權免上曰今以國恤當俟後舉施行
余端禮等奏曰後舉方為龍飛勝却行臨軒之禮 同
日詔慶元二年禮部奏名進士可依祖宗故事更不臨
軒策試 二年三月二十八日開門言已降指揮慶元
二年禮部奏名進士更不臨軒策試依故例開門引見
退赴幕次祇授勅牒袍笏訖引門謝分作兩日引見先
是一引見舉人日依儀於後殿引係七拜大起居班首
出班致詞歸位五拜訖退 一檢會紹興八年六月引
見舉人係在徽宗皇帝顯廟皇后服制內未純吉服其

舉人止令四拜起居致詞訖再兩拜 一今來引見舉人係在孝宗皇帝服制內未純吉服依例止令四拜起居致詞訖再兩拜 一檢會紹興八年隆興元年引見舉人並係射殿坐不引見謝辭上殿班止三省密院奏事畢移椅子皇帝臨軒坐見舉人若係假故日分今開門官已下祇應諸司官承旨修注管軍御帶環衛官行門起居次三省密院起居奏事餘官並免赴一舊例引見舉人訖出殿候有司給散勅牒并袍笏畢逐甲赴殿門外謝訖退 一舊例引見舉人前二日閤門差舍人一員承受二人就淨慈寺習儀令禮部告報 一舊例引見舉人候禮部牒編排到黃甲姓名閤門取旨引見

詔為在孝宗皇帝服制內權於後殿引見依例分作兩日止令上三甲入殿立班餘門見並令入出和寧門經由門戶並早一刻開餘從之五月十二日上御後殿引見禮部奏名進士正奏名鄒應龍已下五百六人第為五等賜進士及第出身同出身特奏名程維顯已下五百七十八人賜同進士出身同學究出身登仕郎將仕郎上下州文學諸州助教同日引見武舉進士正奏名周虎已下五十九人虎補東義郎林仲虎游叔昌補保義郎並賜武舉及第餘悉武舉出身補承節郎特奏名補進武校尉進義校尉減磨勘有差五年四月十八日上御集英殿引見禮部奏名進士得正奏名曾從

龍已下四百一十二人第為五等賜進士及第出身同
出身特奏名謝藻已下七百八十九人賜同進士出身
同學究出身登仕郎將仕郎上下州文學文諸助教同
日試武舉進士得正奏名陳良彪已下四十五人良彪
胡應時並補從義郎李亮補成忠郎並賜武舉及第餘
悉武舉出身補承節郎特奏名補進武校尉減磨勘有
差 十九日上御幄殿引呈武舉人射射 二十六日
上御幄殿引呈文士止奏名射射 二十七日上御幄
殿引呈文士特奏名射射 五月七日上御集英殿臨
軒唱名賜進士及第至第一第二甲畢進膳御藥院欲
用近例自三甲已後只逐甲撥京鐘等同入劄子乞遵

祖宗故事逐一宣名上欣然從之至再臨軒鏜等奏曰
臣等適來僭越陳情此乃祖宗舊制孝宗皇帝晚年艱
于久坐只一兩舉權宜如此自後遂以為例陛下一旦
復舉舊制多士在廷皆得一一仰望清光實為盛事臣
等與多士不勝榮幸上曰既是祖宗舊制豈可輕廢同
日詔曾一龍可改名從龍 十三日宰執進呈次京鏜
奏曰凡是祖宗法度皆不可輕改如臣等前日冒昧奏
陳第二甲以後進士逐一宣名蓋自來舊制陛下從善
如流即賜施行上曰當日雖覺得汗浹體亦不以為勞
鏜奏曰三歲一策士他日多有為國家用者逐一宣名
之制誠不可廢非特龍飛之初為然後舉亦合如此謝

深甫奏曰唐憲宗與宰相論治道日旰晷甚汗透御服
宰相求退憲宗留之曰與卿等論治道殊不知勸青史
書之以為美談上曰嘗見史冊載憲宗此事深切嘆慕
十四日詔正奏名射射將中垛帖箭依格推恩特奏
名免射射從禮部言照紹熙四年例故也嘉泰元年
五月二十六日詔嘉泰二年禮部奏名進士可依祖宗
故事更不臨軒策試二年五月十八日閣門言已降
指揮今次省試舉人更不臨軒策試所有正特奏名進
士引見日分詔用今月二十六日二十七日引見二
十六日上御後殿引見禮部奏名進士正奏名傳行簡
已下四百三十九人第為五等賜進士及第出身同出

身特奏名何澤已下四百九十七人賜同進士出身同
學究出身登仕郎將仕郎上下州文學諸州助教同日
引見武舉進士正奏名葉藻已下四十二人藻補東義
郎林貫道繆震補保義郎並賜武舉及第餘悉武舉出
身補承節郎各減磨勘有差特奏名補進武校尉進義
校尉減磨勘有差開禧元年四月二十六日上御青
英殿引見禮部奏名進士得正奏名毛目知已下四百
三十三人第為五等賜進士及第出身特奏名陳思已
下六百一十一人賜同進士出身同學究出身登仕郎
將仕郎上下州文學諸州助教同日試武舉進士得正
奏名鄭公侃已下四十六人公侃補東義郎方震孫應

龍補保義郎並賜武舉及第餘悉武舉出身補承郎郎
特奏名補進武校尉進義校尉各減磨勘有差 二十
七日上御帷殿引呈武舉人射射 六月六日上御射
殿引呈文士正奏名射射 七日上御射殿引呈文士
特奏名射射 三年八月七日詔大行太皇太后上僊
已降指揮宮中自服三年之喪來年係殿試年分令與
不合臨軒令兩省禮官討論既而吏部尚書陸燾等討
論國朝典故哲宗皇帝元祐八年九月三日宣仁聖烈
皇后上僊以嫡孫承重嘗有詔實行三年之喪於宮中
次年紹聖元年三月十四日御集英殿策進士詔從典
故施行 嘉定元年三月四日詔毛憲落職放罷毛自

知降第五甲進還第一名恩例既而以臣僚言恭聞紹興更化之初首革大廷策士之弊高宗皇帝嘗曰秦項中甲科對策皆櫟語朕卻之置在第三不使與寒士爭先既而淮東提舉朱冠卿奏對言政相當權前舉曹冠秦項等八人濫竊儒科英斷赫然並行駁放比者姦臣盜權破壞祖宗法度貢舉公選亦復徇私前後臣僚奏陳止及省闈欺弊未聞廷對可以計取往歲陛下親策多士毛自知唱名第一公論籍籍皆謂自知本名自得冒其弟之解叨預奏名其父憲時為都司與蘇師旦素厚經營傳出策題前期策成全篇憲之筆居多差為編排文字可認優批分數遂膺首選自知無以報師旦

私己之恩親造其門拜而謝之都人至為歌詞譏誚喧傳衆口師旦復與為地除憲察官而懷不平者始不敢言矣方己丑之春遷陞清晏兩淮荆襄全蜀之民熙熙如也自知獻策以為天亡此胡決在此一二年今不乘其機以定中原竊恐必有豪傑之士仗大義據關中以今天下者又慮議不堅決復于終篇言廟堂之勢未專臺諫之權未重意欲鉗天下之口而決用兵之策不知自何所見而然耶自知趨媚時好以取世資謀身則善矣如社稷生靈何況臨軒策士今復其時若不大正紀綱痛革前弊則忠言謫論何自而前欲望睿斷先將毛憲將賜罷出以為阿附匪人欲私其子忍于欺君之

我所有自知一名取自聖裁施行故有是命 六日禮
部太常寺言討論御試臨軒皇帝服著等檢照宣仁聖
烈皇后上僊哲宗皇帝以嫡孫承重於紹聖元年三月
御集英殿策試進士今來御試即應得紹聖已行故事
所有御服緣未純吉欲乞就見服黃袍黑鞋厚帶詔依
討論施行 四月三日臣僚言竊觀貢舉條制應牒赴
國子監就試者有差而所牒止于同姓至於被差考校
凡就試之士法所應避者同姓則不以股屬為限若母
妻姊妹之總麻已上親皆牒赴別頭所以防閑人情杜
絕私意迨省試奏名之後見任兩省臺諫侍從親族必
具名來上俾于後省覆試以開寒畯之塗以防權要之

弊奏名之士陛下親策于廷訪以治道去取之意雖盡
出於陛下而有初考覆考編排詳定等官其子弟親屬
預試者元無避親之法間或名在前列往往人得而議
之而彼亦安于無法不自以為私乞自今廷對當倣後
省覆試之制行下禮部開具應在朝之官有服親族過
省見今廷赴廷對者並與免差庶幾杜絕傳聞昭示公
道從之 嘉定元年五月六日上御集英殿引見禮部
奏名特奏名進士得正奏名鄭自誠已下四百二十五
人第為五等賜進士及第出身同出身特奏名劉敵已
下六百四十一人賜同進士出身同學究出身登仕郎
將仕郎上下州文學諸州助教同日試武舉進士得正

奏名周師銳已下四十四人師銳補東義郎楊煜周執
補保義郎並賜武舉及第餘悉武舉出身補承節郎將
奏名補進武校尉減磨勘有差 七日上御帳殿引呈
武舉人射射 六月二十三日上御射殿引呈文士正
奏名射射 二十四日上御射殿引呈文士特奏名射
射 七月十二日詔保義郎勅授全州文學趙汝易特
興附五甲末出身汝易殿試中第二甲第七名緣犯廟
諱嫌名勅授文學汝易乞依昨未進士林一鳴宗子希
旦犯廟諱例比附降甲改正出身特從其請四年五月
八日上御集英殿引見禮部奏名進士得正奏名趙建
大已下四百六十一人第為五等賜進士及第出身同

出身特奏名石繼喻已下六百七十九人賜同進士出身同學究出登仕郎將仕郎上下州文學諸州助教同日試武舉進士得正奏名林汝決已下四十人汝決補秉義郎黃宗祥王國定補保義郎並賜武舉及第餘悉武舉出身補承節郎特奏名補進武校尉進義校尉減磨勘有差 九日上御帷殿引呈武舉人射射 六月十三日上御射殿引呈文士正奏名射射 十四日上御射殿引呈文士特奏名射射 七年五月四日上御集英殿引見禮部奏名特奏名進士得正奏名袁甫已下五百四人第為五等賜進士及第出身同出特奏名張徽已下六百六十九人賜同進士出身同學究出身

登仕郎將仕郎上下州文學諸州助教同日試武舉進士得正奏名劉必萬已下四十八人必萬補秉義郎林景衡林武子補保義郎並賜武舉及第餘悉武舉出身補承節郎特奏名補武進校尉進義校尉減磨勘有差

七日工御射殿引呈文士特奏名射射 二十七日

左諫議大夫鄭昭先言仰惟陛下踐祚以來宵衣旰食求士如渴豈不以草茅之論足以仰俾闕失故歲當大比渙發明詔羣四方之士以八月各試于其鄉明年舉鄉貢之士以二月試之于春官其中程度者奏名于朝陛下欲諮以當世之務於三月內親策于廷又于四月唱名于集英殿朝有定法士有定志率皆如期而至四

川之士去闕廷遠慮其犇趨不遠其試于鄉則以二月
其試于春官則以八月先期半年畢此二試庶可趨赴
廷對此定法也今蜀士多遲其行若賈胡之留滯未免
于四月末旬選日以待之期而不至又未免于五月上
旬選日進退遲速惟彼之聽雖陛下急於求言不憚為
之遷就而士子稽滯不進豈不有辜延待之意乎若以
地遠言之則嶺表落南之地有踰三四十里者窮冬登
途皆能趨赴省試則蜀士奚獨濡滯如是哉矧當仲夏
暑氣漸降陛下躬御盛服早晚臨軒豈臣子之心所安
而四方待試之士雲集京師行囊有限又未免有滯留
之歎是可不立為一定之說乎乞下禮部繼自今定就

三月或四月擇日斷不改易預行告諭令四川州軍勝
示通衢庶俾士知有定日不至遲遲仰副陛下虛已延
待之意從之 八年九月二十八日臣僚言國家取士
惟進士得人為盛故于三歲大比每加詳而致意焉蜀
雖在一方而赴廷對之士則有行役之弊至于類試仲
秋之末揭榜季秋之杪夔利二路越半月而見榜故廷
對之士萬里行役登舟率在窮冬為舟人所邀津務所
阻乞自制置司行下逐州津發于歲前盡要起離約束
沿江稅務即時通放如此詳盡而孟夏之朔舉人尚未
入國門者更不賜對庶幾臨軒之日不在盛夏之時亦
革廷對遷延之弊從之 十年四月二十二日上御集

英殿引見禮部奏名特奏名進士得正奏名吳潛已下
五百二十三人第為五等賜進士及第出身同出身特
奏名陳珏已下六百六十三人賜同進士出身同學究
出身登仕郎將仕郎上下州文學諸州助教同日試武
舉進士得正奏名朱嗣宗已下四十五人嗣宗補承義
郎華岳朱同宗補保義郎並賜武舉及第餘悉武舉出
身補承節郎特奏名補進武校尉進義校尉減磨勘有
差 二十七日上御帷殿引呈武舉人射射 五月二
十二日上御射殿引呈文士正奏名射射 二十三上
御射殿引呈文士特奏名射射 十三年五月二日監
察御史徐龜年言國家以策取士蓋古人數奏言揚之

遺意然知人固難知人以言尤難昔唐陸贄有云人胡
可以一酬一詰而謂盡其能哉今羣天下之士而親策
之天子之庭蓋將因其所言以覘其所存即其胸中之
抱負以觀其異日之施設豈特應故事而已臣伏觀高
宗皇帝策士大廷嘗謂宰臣曰朕此舉將以求人材為
時之用若其言鯁亮切直他日必端方不回之士其言
諛佞委靡他日必無可用之實也故朕因此舉崇獎切
直冀士知所尚習成風俗猗歟休哉此真我朝取士之
家法也比年應對之士率端襲紙上之空言言之直者
不矯則訐言之泛者非誇則誕往、揣摩事情追逐時
好競一日之長以竊取科第而已他不暇計也國家列

聖相承愛護相材蓋將以養其心厲其行而為豐邑數
世之用况巖穴窮困之士庠序淹滯之材固有抱負所
學久不得徹而上聞者一旦使之咫尺天顏鋪陳得失
此誠韋布平昔之素願是必有以崇獎激昂使之得以
展盡底蘊而後可也乞下臣此章風厲多士聞不諱之
門以來直言示激勸之意以收實才其於治道誠非小
補從之 二十七日 上御集英殿引見禮部奏名進士
得正奏名劉渭已下四百七十五人第為五等賜進士
及第出身同出身特奏名溫若巖已下六百四十七人
賜同進士出身同學究出身登仕郎將仕郎上下州文
學諸州助教同日試武舉進士得正奏名陳正大已下

嘉熙四年
疑嘉定

四十四人正大補秉義郎曾翥戴鷹揚補保義郎並賜
武舉及第餘武舉出身補承節郎特奏名補進武校尉
進義校尉減磨勘有差 六月一日上御帷殿引呈武
舉人射射 七月二日上御射殿引呈文士正奏名射
射 三日上御射殿引呈文士特奏名射射 嘉慶十
五年八月十六日臣僚言竊見國家取士自太祖開寶
六年以三月覆試於講武殿累聖相承廷試率以三月
南渡以來爲念蜀士道理阻修分類省於成都預試以
便其入對自紹興至淳熙廷試皆不出三月類省得者
連裝治行不敢濡滯迄于冬至前就道開禧丁卯偶類
省過期行色稍緩廷試展用五月蓋出異恩嗣後即習

為改常至次年正月方啟行向者士子必四五人共為
一舟舟楫易辦數舉以來或一二人為一舟舟人遂成
楫緩水陸萬里風波險阻涉歷州縣關津滯留勢必至
夏始達行都數蒙睿旨展期以俟其集盛夏炎赫皇上
軒汗透御服臣子殊不遑安嘉定七年十三年臣僚屢
次申明而玩弛既久終未能革至勤朝廷為之進類試
試之期以圖其速至今類省將軍乞下四川制司嚴行
戒諭期以冬至前逐路並行起發舟楫所至州縣隨即
通放不得苛留所有廷試日分遵照祖宗舊制於三月
內選擇更不展期庶使四方之士雲集奉對皆適其時
以副朝家作成之意從之 九月十九日臣僚言恭惟

國家重士三歲大比解試以八月省試以二月皆有一
定不易之日獨是廷對唱名臨期取旨每舉不同臣向
叨甲辰末第省試猶是正月十五日引頭場三月二十
三日殿試四月十一日唱名淳熙己酉臣僚奏請有闕
引試辰就二月一日若以廷試常在省榜已揭一月之
後則四月間擇日殿試自不相妨累舉以來殿試最遲
亦不過五月初旬末旬而唱名至六月十五日特庚辰
年為然前此未之見也陛下樂于待士當暑臨軒初無
倦色而羣臣侍立踧躅不安況在廷之士露立終日炎
赫所迫間有委頓者甚非所以肅堂陛之分也臣契勘
庚辰年殿試緣蜀道多梗恐赴廷對者未末齊足所以

屢至辰日續據劍南節推任一鳴申請以潼川夔利路
至成都頗遠欲進十日用八月十五日類試特俞其請
則來赴大對比之常年又可先期十日治行豈不甚便
臣採之輿論以蜀士遲遲而來蓋自有說在法凡赴廷
對許量帶稅物隨行以助旅費向也一舟五丈人共之
行計易辦後來人各一舟貨物未足卒難起離遂成需
滯夫不汲汲於功名而尊、於財利則是入仕已喪所
守矣欲望聖慈令四川制司行下諸路州軍今歲類試
既進十日來年士人並要三月初到闕如循習滯留止
將已到蜀士收試更不再展庶幾臚唱之日未至劇暑
朝儀慈肅以副臨軒策士之意從之

十六年四月十

五月二十六日
一十七日兩條
移後幸澁
下

九日上御集英殿引見禮部奏名特奏名進士得正奏
名蔣重珍已下五百四十九人第為五等賜進士及第
出身同出身特奏名李大同已下六百七十九人賜同
進士出身同學究出身登仕郎將仕郎上下州文學諸
州助教同日試武舉進士得正奏名杜幼節已下五十
八人幼節補秉義郎陳夢雷程一飛補保義郎並賜武
及第餘悉賜武舉出身補承郎郎特奏名補進武校尉
進義校尉減磨勘有差 二十三日御帳殿引呈武
舉人射射 五月二十六日上御射殿引呈文士正奏
名射射 二十七日上御射殿引呈文士特奏名射射
十六年四月二十七日臣僚言至和間富弼奏請一

舉三十年推恩之法欲使久困場屋差足自慰景迫桑榆者聊以自娛至今行之恩至溥矣為士者要當上體聖恩安于命義可也此年以來特科富室之士不顧三尺行險僥倖百計經營預為道地厚賂御藥院人於廷試之後密寫卷頭一二百字令其收執俟考試畢比對真卷或在五等榜入四等此冒易姓名之弊臨軒試射又將程其中否以示陞出天威咫尺敢肆欺罔前期厚賂唱箭撒箭人不以中帖之矢入于中帖之數于是五等濫陞四等此冒易帖箭之弊逆使多資庸繆之徒得側仕版而學古老成之士終厄窮途乞下臣此奉明諭詳定編排官自第一等至第五等並大字朱書于奉試

御策之下唱第之後將前四等真卷發下禮部去自長
或就御史臺公共點對或有偏冒重作施行庶革冒易
姓名之弊仍差清驛官監視中否之箭重立賞罰禁戢
喝箭撒箭受賂之人苟有犯者士人押歸本貫聽讀其
過財受財之並送所司根究重作施行可絕帖箭之弊
從之 四月二十七日臣僚言竊惟國家取士之制臨
軒親策禮遇優渥至於場屋困黜之人又有特科以示
惠收不遺之意上恩大矣臣聞之衆言以為間有多賈
賁緣請托名在五等易寘于前俛倖一官前舉有嚴州
特科進士進狀訢印榜名在第四等乞改正紛紜不已
雖其說不足信而物論籍籍謂每舉有此臣伏思事關

幸後下樓五月
二十六兩條

御藥院主持有官恐未必然第將以釋寒士之疑則莫
若加之申嚴區處至於特科射射亦有代名而進前舉
第五等射射多補官者人愈議之惟至尊天臨之地事
體至重豈容果爾寧信之而無萬一有之關係不細乞
令詳定編排所同御藥院長官相度將特奏名真革卷
嚴密措置毋致胥吏移易併下禮部明示以闕入之令
將特奏名射射人每土人三姓結保有犯則保內同罪
其正奏特奏名對御射弓人並令書鋪認識給號于宮
殿皇城門各置簿出入親書鄉貫將來射射以對省殿
試卷子字跡稍異與行根究庶革偽濫以厚士習實有
文藝者之幸從

親試雜錄 真宗景德二

年三月九日賜輔臣酒果翰林學士等宴於本院館閣
官宴於祕閣以御試考較之勞也自是遂為定制 天
禧四年六月十八日詔今後御試舉人前殿不視事放
起居 仁宗天聖五年三月十八日詔崇政殿引試舉
人不得將帶文字書冊入殿門韻略官中至日給散
二十四日閣門言今日放舉人緣並在內門外欲告報
貢院點檢姓名放入榜門外祇候詔令只引進士崇政
殿門外祇候 八年三月十三日詔試舉人應文武臣
僚三班使臣幕職州縣官等見謝辭并正衙宜令閣門

御史臺並權放候至十九日即却依舊 七月二十三
日詔今月二十五日御試應制科人當日是大忌前一
日假後殿公事更不引 九年五月六日詔今月九日
崇政殿御試應書判拔萃科并武舉人等七人仰閣門
告示兩制并三館祕閣直館校理等至日於崇政殿門
外祇候 景祐元年二月四日中書門下言今後殿試
舉人差初覆考詳定官並委中書選擇有文學官充仍
與限十日精審考校詔依 十一日詔後殿試舉人畢
皇帝還內考校舉人試卷未了崇政殿後門令入內
使省差使臣嚴切監守仍令近上內臣提舉其崇政殿
延和殿例依呈引公事乘輿歸內並依常式 三月十

四日詔御試進士諸科舉人宜令閣門告示兩制并三館祕閣校理並仰至日於崇政殿門外祇候 二十三
日天章閣待制張宗象殿中侍御史龐籍言御前續試特奏名進士諸科人等送到卷子依例封弥送逐處考校伏緣上件舉人並是南省考落人數聖慈念其老於科場特推恩澤其藝業多無所取不消覆加考校欲乞分作等第委自中書據其等第及年數舉數取旨詔令宗象籍編排 二十五日詔為放舉人令宗室允寧以下并駙馬都尉赴崇政殿祇應 三月十六日詔御試進士三題據出處義理令御藥院隨題目雕印至日各賜一紙更不令解元上請 六月二十六日臣僚言乞

今後御試舉人就集英殿及乞條貫封弥謄錄編排卷子并減覆考諸科舉人詔減覆考不行餘從之四年三月七日御藥院言內降丁度奏貢舉條制御試舉人就集英殿考校位次閑防事件並須改易詔仍舊崇政殿試五年四月十六日知制誥李淑言昨充崇政殿試詳定官竊見考試條貫元是貢院編次頗精備之處又緣旋差到官不悉前後條例以至元有拘執頻煩聖聽又初覆考定等之際多不照會相去頗遠詳定官既不別定等只是斟量就一或未達中朝廷擇士授官所繫至重欲望下御藥院取索應該條貫於昨來祇奉御試官內委經歷編次之人參詳添修條制或併考官一

處考定別置點檢官三五人令先點檢然後考校亦恐
却得精審所冀立制經久上副求人之意詔可 慶曆
六年三月二十四日詔為放舉人畢依宴後一日例放
歇泊假一日前後殿不座永為定式 皇祐元年三月
九日翰林學士趙槩等言差權知貢舉今已考校畢乞
依前次科場例免正衙從之應昨充貢院考試官等仍
令御試及放榜日殿門祇候 十九日閤門言放舉人
日曾宣皇親并管軍臣僚使相節度使已至刺史詔
特宣正任刺史已上 嘉祐四年三月五日天章閣待
制錢象先等言昨赴資善堂出明經諸科義題義由已
畢見祇候崇政殿放榜竊聞南省小試官並許入殿門

祇候伏乞依例從之 十三日光祿卿直祕書趙良規

等言伏聞崇政殿放榜竊知舊例並預召觀詔令宣入

二十五日翰林學士明宿等言自來南省點檢進士

試卷諸科出義考試官等御試日赴殿前起居并放榜

日殿前立班近年却只在殿門外祇候欲乞依舊例取

到閣門儀制知舉官等御試日並於崇政殿門外祇候

如奉宣即入候放榜畢承受於殿門外報知舉官入赴

告謝勘會近例內知舉官候放榜日宣入殿起居祇候

告謝貢院考試官等於御試及放榜日殿門祇候詔宜

令閣門每遇宣知舉官其南省點檢試卷諸科出義考

試官等並令同入 六年四月十二日權御史中丞王

嚆言伏以殿庭親試所切者漏露之禁切見放榜日聖駕未座而殿後考校官定更詳者乃有輒至殿門者蓋因祇候起居立班之際遂得出與外人相見誦念舉人程試豈不漏洩雖近去唱第數刻之間尤當慎密緣素無條制理合關防欲乞今後放榜日殿後臣僚不得輒至殿屏外俟駕座方得下殿立班起居如違許閣門彈奏從之以上國朝會要

神宗熙寧三正月二十八日詔將來於

崇政殿御試舉人考校臣僚并諸司幕次依今來御藥院圖子貼定去處應合行事件令本院檢舉施行三月五日詔中書門下令別定御試舉人封彌式樣送御藥院仍本院謄錄兩本分送初覆考官七日閣門言自

來假日宗政殿視事帶御器械先延和殿起居今來其
英殿御試舉人起居祇應次第依假日例其帶御器械
欲令於需雲殿先起居其軍頭司祇應軍員緣別無公
事引呈欲令更不入從之 十八日詔御試詳定所如
今來初覆考官考到試卷內等第相遠者更酌中別立
等第 十二月十四日編修閣門儀制例冊所奏諸發
解考試對讀官等並門辭入見殿試官更不見只隨班
起居今參詳除知舉官門辭入見外其封彌發解考試
對讀等官只門賜敕不門辭只門見殿試官更不見只
隨班起居欲乞修入儀制從之 六年三月十一日中
書言御藥院誤以義田散通禮義張篋等五人作義題

欲別試箕等於中書從之令御藥院具指以聞九年

三月二十四日詔自今南省第一甲十人以上放榜日

第四甲唱名未到者取旨二十六日詔殿試進士初

考官翰林學士陳繹集賢校理孫洙王存崇文院校書

練亨甫范鏜審官東院主簿陸佃各罰銅二十斤覆考

官翰林學士楊繪龍圖閣直學士宋敏求同條起居汪

錢藻祕閣校理陳睦崇政殿說書沈季長檢正中書刑

房公事王震各罰銅十斤並坐考校第一甲進士不精

也元豐五年三月二十七日詔御試所考官蘇頌等

六人覆考官安燾等六人詳定官蒲宗孟等三人各罰

銅三十斤頌等考黃裳等下等上親擢為第一故罰之

文獻通考元豐五年先是帝見黃裳所為文愛之至是
禮部奏進士有裳名及進士讀試策在前列者皆不稱
旨命求裳名至末甲始見乃擢為第一考八年四月六
官以高下失定贖金

日詔再試進士及諸科武舉人罷今年御試內應直赴
殿試者以前舉者等第名次編排在今來正奏名之下
不曾赴省試者即與正奏名進士同場別號試策一道
先以貢院大試卷三分收不及一哲宗元祐三年二
故再試以上在亮陰罷御試

月十六日詔殿試經義辭賦舉人並試策一道從監察
御史趙挺之請也三月二日三省言奉旨集英殿御

試舉人欲依天聖故事皇帝御崇政殿試舉人二十二
日太皇太后皇帝御延和殿垂簾宰臣以下進呈文卷
皇帝御崇政殿唱名放榜賜公服靴笏訖次班於延和

殿謝太皇太后詔舊例崇政殿試舉人景福殿其殿考覆自熙寧後移於集英殿可依已降指揮就集英殿其殿試進呈文卷唱名放榜並皇帝御殿候賜公服靴笏謝恩訖移班赴內東門謝太皇太后四年八月二十二日詔自今考校特奏名舉人進士入第四等中以上諸科入第三等以上各不得過就試人數之半六年三月二十六日太皇太后宣諭曰今歲御試考校定後兩日方唱名於內中火禁非便其令候日今見考試次第旋定唱名日八年三月二十三日中書省言進士御試答策多係在外準備之文工拙不甚相遠難于考校祖宗舊制御試進士詩賦論三題施行久遠前後得人不少況今朝

廷見行文字多係声律對偶非學問談洽不能成章若不復行祖宗三舊法則學者未知朝廷所向檢會已降指揮將來一次科場如有未習詩賦舉人許依舊法取應解發格人不得過解額三分之一以後並兼試詩賦取到國子監狀太學見管生員二千一百七十五人內二十九十三人習詩賦八十三人經義不兼詩賦以此可見中外學者習試詩賦人數極多詔來年御試將詩賦舉人復試三題經義舉人且令試策此後全試三題其雜犯舉人未得黜落別作一項聞奏 紹聖元年二月二十三日禮部言立御試三題條并約束從之二十六日三省言今來南省下第舉人進士七舉諸科八

舉曾經御試九舉諸科十舉曾經省試並年四十以上
進士六舉諸科七舉曾經省試並年五十以上內河北
河東陝西舉人於逐項舉數內特與各減一舉曾經嘉
祐八年以前到省進士前後實得兩解諸科實得三解
及嘉祐八年以前到省進士并免解共及兩舉諸科共
及兩舉諸科共及三舉勿限年欲令禮部貢院審會並
特與奏名許就殿試及闕御藥院依例施行 三月六
日詔令次御試舉人依舊試策 十四日詔南省下第
舉人已曾經嘉祐八年以前到省進士前後實得兩解
諸科實得三解更不限年並特與就殿試仍進士第四
等以上諸科第二等以上各不得過就試人數十分之

三曹經嘉祐八年以前到省進士并免解共及兩舉諸科共及三舉更不限年亦許就殿試仍進士只以第四等以下諸科只以第三第_等以下為等第開御藥院依例施行 十七日中書省言諸科初考所奏元祐八年四月敕復置通禮科御試墨義五道本經義三道又五路通禮科經義委初考所刊統義通禮墨義委諸科初考所兼管其書鑒等第行遣約束並依進士試卷法今欲申明將五路通禮所_科墨義只依舊諸科墨義以通祖考校從之 三年八月十一日禮部言舉人御試而懷挾代筆傳義者並取旨送所屬其罪賞並依省試貢舉法從之 徽宗大觀三年三月七日御筆貢士興於

鄉而科舉較一日之藝則貢士當冠科舉比覽貢士已
試程文未足以魁多士可令詳定所以貢院所奏中選
試卷與庭試卷參較取最優者一名為殿試之首若所
取非貢士則貢士次之 四年八月十三日詔策士于
庭詠以世務深惟神考盛德美意所宜遵承以詔萬世
比閱學制貢士入上等者引見釋褐止以有司參校而
不復策試于庭宣神考之志哉自今入上等者與中等
並留太學以俟殿試其 upper 等人遇唱名取旨於已降學
制內增入 十九日詔宗子陞補上舍係比舊日宗室
應舉之人得解其赴貢士舉試係比省試今不經殿試
便分三等命官緣熙寧未有此法可依貢士已降指揮

並留候殿試其申上中等人遇唱名日取旨 政和五年三月二十三日詔集英殿唱名人內褚永為不對所問其言狂妄押出令開封府押歸本貫仍下學士司具師儒官職位姓名聞奏取旨責降并所試筆謬程文送國子監曉示行下 八年三月十一日詔十六日嘉王楷令赴集英殿試仍給食就東廊排設幕次什物 二十五日詔王嘉楷依貢士唱名賜敕賜恩 二十六日上御集英殿唱名詔嘉王楷有司考在第一不欲令魁多士以第二人王昂為榜首 宣和六年四月十一日手詔獎諭周武仲朕承祖宗之宏規招賢能於數路取士以制親策于庭蓋將酌士論來謹言以廣九重之聽

倚在選掄副茲虛佇爾實主文衡差次精密凡預科
之目悉皆魁選之英臚唱初傳輿情共契舉善以善固
宜從類之求惟賢知賢斯有不遠之則惟予以擇時乃
之休

以上續國朝會要

高宗建炎二年九月十日宰

臣黃潛善奏曰昨日唱名至申時聖體良勞上曰昨日
歸內觀書良久方憩朕以艱難中四方之士來會行在
策以時務高等多得遠方之士朕意甚喜不覺勞也
同日上宣諭宰執曰御藥院嘗奏殿試上十名例先納
卷子御前定高下朕謂取士當務至公既有初覆考詳
定官自足憑信豈宜以朕一人之意更有陞降已處分
今次勿先進卷子

紹興二年三月十六日御藥院言

自來御試進士引試唱名並作兩日第一日正奏名并
應舉宗子等第二日特奏名并武舉取應宗子昨揚州
御試緣特奏名并舉人數不多共作一日引試唱名今
來未審合作幾日詔並依揚州例 二十六日權禮部
侍郎趙子書言御試正奏名其取會不圓之人先就試
不給唱名號內有試在上三人或高甲合殿前祇授恩
命別有曲謝欲乞權給號唱名其敕牒候取索圖備給
付從之 紹興五年九月九日詔試在第一甲人先給敕
人先給敕 二十九年三月八日三十年三月九日詔第一甲上三
人特依揚州例補下州文學 四月一日進呈殿試陞

降冊因奏有犯御名及文理紕繆者上曰犯御名格當
扶出然使文理可采亦可惜至於紕繆乃不當復收宰
臣呂頤浩等曰聖度如此真得取士之體後當守以為
法 五日唱名殿試進士有犯廟諱者上曰犯宗廟諱
當依格降等至犯御名者上曰此雖格法朕豈以已名
妨士人進取耶特命收寘本等 十七日進呈新第正
奏名助教乞依特奏名例推恩上曰初降旨令考官以
綆正為上設倭居下此以示朕好惡凡士人當自初進
便須別其意倭庶可冀其有立如張九成對策上自朕
躬下逮百執言之無所迴避擢在首選其誰曰不然然
而舉子遠來朕悉務優容命助教九人者並依特奏名

例推恩

閏四月一日上宣諭宰輔曰廷試舉人以鯁

直者為上諛佞者降之朕此舉將以作成人材為異時
之用若其言鯁亮切直他日必端方不回之材其言諛
佞委靡他日必無可用之實故朕因此舉崇獎直言冀
士知朝廷所尚習成風俗崇寧已來宰相惡人敢言當
時士氣不作流弊至今不可不革也 五年六月九日
中書舍人劉大中言舊舉登第注官之人有紕繆尤甚
之日四方傳笑願詔有司精加考校勿尚浮虛勿諱切
直其文不乖於理其言有補於治亂則以充選庶幾所
得皆可用之實材乞前期榜諭從之 八月九日翰林
學士制誥孫近言祖宗廷試進士差官初考覆考詳定

蓋欲參用衆見以求寔材初考既定等第乃加封印以送覆考復定等第而詳定所或初考或從覆考不許別自立等至嘉祐間因王安石充詳定官始乞不用初覆考兩處等第別自立等至今循襲為法如此則高下升黜盡出於詳定官而初考覆考殆為虛設欲望復用祖宗舊制如初覆考皆未當即具失當因依奏稟方許別立等第從之右諫議大夫趙鼎言崇寧御試貢舉令自有隔二等累及五人許奏之文臣近先詳定官以試卷與初覆考等第不同者聞奏奉御宝令編排所定奪是使編排官得以氣詳定之職非特廢法恐自此遂為定例乞今後隔二等累及五人各開具集號某說可取合

陞某等某說非是合降某等許依令奏聞免令復加定
奪從之二十四日御藥院言進士祝公達妄稱該免解
赴試過省詔特免駁放候唱名降等推恩九月四日
詔唱名應不給敕人依例並賜袍笏同日特奏名進
士呂衍等狀祖宗優卹五路人唱名乞特賜陞等從之
七年二月九日詔王巖叟等三十四人八年六月十二
五月二十九日詔李獎等各並陞一等六年十二
月十五日詔川陝進士合預殿試人發赴行在仍破五
人衙官驛券經由州縣依條施行七年八月二十五
日詔來年禮部奏名進士可依祖宗故事更不臨軒策
試時上居諒闇有司檢照典十二年三月十四日御藥
院言在京御試舉人引試唱名並作兩日建炎二年以

後三舉赴試人數不多各作一日將來御史欲作一日
引試兩日唱名從之 四月十三日詔唱正奏名進士
進卷內陞一甲字下可添入末字其降一甲字下亦合
添入首字餘舉人陞降依此以為定法 十八日詔張
弼於唱名唐突又進狀告論有司為係舉子不欲付於
理令臨安府差人押歸本貫收管日後更不得奏名
十一月二十五日詔特奏名不該出官人與免納敷牒
許赴十五年再試 十五年三月二十三日宣諭宰
輔曰廷試策題亦欲使士人初入仕途皆知趨向之正
秦檜曰士人趨向未正久矣亦風俗使然正在陛下力
與變革上曰朕觀五十年前人材皆是仁宗時涵養所

致以正在作成也 四月三日詔太學博士楊邦弼御
試進士對讀試卷有所脫漏罰銅十斤 二十六年十
一月五日詔今後內外臣僚不得輒以子弟親戚陳乞
特赴殿試 二十七年二月二十八日宰執奏事上曰
蜀中舉人前此有赴殿試不及者皆賜同進士出身恐
其間有俊秀能取高第之人例皆置之下列甚可惜也
今次若來者尚少宜相度展日少待 三月十四日御
筆宣示殿試官曰對策有中指陳時事鯁亮切直者並
寘上列無失忠諫無尚諂諛用稱朕取士之意 十六
日上宣諭宰臣曰今次策士考校官編排處極詳密內
有犯諱雜說之人亦令且與考校并戒屬有司抑諛諛

進忠亮蓋以臨軒策士正欲聞切直之言也 十八日

上宣諭宰臣曰今次殿試舉人程文議論純正仍多切

直自此人才極有可用 二十四日宰執奏事宰臣沈

誥等曰兩日唱名上勞聖躬上曰今次魁選文武皆得

人朕樂於得士雖臨軒終日不覺倦也 三十二年五

月九日詔來年禮部奏名進士可依祖宗故事更不臨

軒策試時以欽宗喪故有是命 以上中興會要 紹興三

十二年 孝宗即薨未改元 六月二十三日詔紹興三十

年^三禮部奏名進士依祖宗故事更不臨軒策試 乾道

二年三月九日有司言唱名日取會未圓人三名前權

與給敕上問輔臣三名以後人洪适等奏以後人圓備

方給從之 十日上御幄殿引呈武舉人射 十六日
御藥院言正奏名寧遠嘉字號試卷犯不考式洪适等
奏寫御題外僅及二百字上曰此必假筆朕欲先拆見
姓名取省試卷比較使見情跡卿等一面取開适等奉
詔進翌日呈拆見姓名乃宗子忠訓郎伯山為鎖試兩
獲文解昨遇覃恩特免省适等乞與換授文質帶右字
以文不合格法當不考罷之 四年七月十四日禮部
言太學士舍生楊應紹興三十一年陞補下等上舍至
紹興三十二年用上舍恩例免解隆興元年到省試下
乾道二年合該免省赴殿試以下憂不赴今合還赴乾
道五年殿試乞比類故文計理龍飛恩例詔候將來殿

試許收使

五年三月七日詔四川正奏名進士李延

上馮直臣文伯振權赴殿試候畢日各令陳乞改正戶

貫施行

延上等各用西北戶貫有司引紹興二十六年

併東南戶貫指揮謂不應法試日既迫以其狀聞而有

是命仍不逐路漕司將似此西北之人改正十一日上

御幄殿引呈武舉人射二十九日御試主管文字使

臣劉伯适言今月二十日二十一日兩日不赴唱名舉

人正奏名第二甲第二十人楊子方等計六人並為患

不赴詔令尚書令將子方等六人敕降付禮部候逐人

痊安各召保官二員當官給付八年三月十三日詔

四川正奏名進士雍太榮令殿試大榮遺失赴殿試公

據以奏歷為驗及召保識四人禮部以聞許之十八
日上御幄殿引呈武舉人射 四月一日詔蜀州正奏
名進士趙甲等六人並與依格例陞名以甲等援太上
皇帝潛藩例自言也 二月御藥院言契勘御試舉人
內有應舉宗子漏寫限一十字以上雜犯不考自紹興
二年以後未有此例檢為紹興二十四年趙不同係應
舉宗子合陞一甲為犯懷挾合降一甲得旨此折更不
陞降今欲依趙不同例比折更不陞降從之 十月八
日詔自今御試唱名第一日唱文舉正奏名應舉鎖應
宗子武舉正奏名第二日唱文舉特奏名取應宗子武
舉特奏名

以上乾道會要